



08650

梁溪詩鈔目錄卷之四十七

國朝乾隆十四馬司訓景成 三首

劉秀才牧 二首

强布衣起驥 六首

顧贈公熙 十九首

顧布衣諶 五首

楊秀才逢春 二十三首

倪秀才龍鏡 三首

周布衣鎮 六首

嵇秀才璋 二首

梁溪詩鈔卷四十七目錄

侯布衣光第 三十三首

秦吏部泉 二首

薛孝廉聯元 一首

楊濟陽乘槎 二首

吳秀才培 十三首

鄒秀才容成 二首

吳處士鑄 四首

岳處士鶴 十三首

周處士玉峯 四首

以上共十八人





梁溪詩鈔卷四十七

梁溪顧光旭華陽氏集

國朝

馬司訓景成

字承天號半湖掄貢生官天長訓導性豪  
逸善飲能詩少師事楊端操先生才情橫  
溢而不踰繩檢垂老杜門擯絕造請如是  
三年除博士在官半年卒所著有詩古文  
橐若干卷藏於家

四野

梁溪詩鈔卷四十七

一

四野均沾浩蕩恩蚩偏畏吏胥尊赤貧有籍編  
朱戶粉字無人寫葦門立骨行尸懸待解飛頭借  
面罪同論杞當交代時賑籍為奸胥增竄多遺濫  
楊笠湖攝杞篆行縣查得無告窮民逾  
萬并廉胃  
賑者懲之幸逢杜母親存問肯把饕餮換子孫

● 固陵謁許忠節公祠

公名達  
字汝登

宸濠當日睨神京只忌江西副使名若使雙旌屬  
忠節何須七月待陽明先機屢阻摧虺策臨難空  
餘捧日誠俎豆只今崇美報山河氣壯鳳凰城

舟中讀楊勗齋詩集

寒潮上下大江邊誰遣扁舟獨扣舷啼到盡情孤

鳥性叅來佳句小乘禪傷心酒後空饒舌循髮燈  
前不少年最是漁歌聲未斷布衾寒擁五更天

劉秀才牧

字樊川號絜齋諸生本儒先生之元孫工  
詩文著有絜齋詩草

三緘圖

金人但緘口吾願緘以心大道匪寂滅德音古所  
欽胡爲周廟中守口當規箴希聲澈妙悟無言理  
易尋披圖叩寂寞一默成古今

讀舅氏南林先生漢印歌次韻奉和兼寄陳

梁溪詩鈔

卷四十七

二

禹疇嶽青昆仲

城南二陳稱好古一編纍纍金泥封重規叠矩湖  
兩漢兼以魏晉形模通職官姓氏畧可識商盤夏  
鼎同欽崇古人切玉如切泥撥蠟尤妙鐫金銅龍  
拏虎攫瘦蛟舞星斗錯落將母同銛劍短戟互頰  
叩體兼衆妙神完充摩挲萬遍未忍釋畫肚錐股  
摹難攻化工可思不可肖土花半嶠彌玲瓏舅氏  
家復藏此本兼採名狀供詩筒石鼓韓蘇兩卓越  
新詩鼎足追古風欲從先民徵典則宥與時輩爭  
凡庸慨自六書遞遷嬗莫辨爾雅箋魚蟲籀文大



象九千字後人變亂訛靡窮苟從先代獲片字傳  
重聲價踰千鍾况忝制作漢魏晉表章奚讓球圖  
琮煌煌模印分八體丹砂生色氣吐虹我初幸得  
觀真面徒對繭紙摩雙瞳尤物世間詎易識廬山  
向背雲猶蒙自從好句穿牟尼驪珠歷歷傳遺蹤  
精瑩髣髴照四座如玉離璞金初鎔印久剝落易  
侵蝕惟詩不朽無磨礱高人寓意不留物逃離過  
眼等霧淞手披一卷自怡悅左圖右史交橫縱就  
中故事能徧述書生事業高夔龍典文該洽類可  
數當年杜馬尤精融汲古修綆踰萬丈纂組決不

梁溪詩鈔

卷四十七

三

隨織濃遠稽損益討官禮窮析分秒量厚穹

舅氏著有

官職政辰象政錢幣攷等書

紛紛羣籍肉貫弗勒成一家亦足

雄區區古印究形似如以追蠡論禹鐘硬語獨盤

氣磅礴素手可搏千羆熊吾舅不專擅詩譽詩不

苟作詩更工細推斯印長太息牙前部曲多軍中

武皇開邊事征討衛霍推轂何雍容中興光武亦

神勇二十八將勲爵重炎風朔雪盡賓服剖符刻

竹威羌戎沿及魏晉乃尚力方外歸義鮮克終始

知微物關政化指搗在握成大功佩黃黑綬奚啻

萬漢制銅印有黃綬黑綬

脫漏散失淪西東無乃天工遣鬼

守故令一網俱牢籠管窺蠡測亦何有難免耳熱  
頰發紅斂衽絕倡咸避席謬以末學相追從黃鐘  
大呂奏清廟瓦缶考擊滄微宮願就別裁歸雅正  
片語破的開心胸雕蟲自古耻末技奇字欲問猶  
終童倦遊悔不早投筆傭賃那復同飄蓬雲烟變  
滅逐陳迹富貴何與于我躬狂言忽發類醉尉傾  
倒千載徒恩恩封侯數奇不可必斗大高懸憑至  
公安得募人敢陷陣印文有曰陷陣募人清時結綬忘踈慵  
荷戈直入伊犁窟迅掃氛垢烽烟空

强布衣起曠

梁溪詩鈔

卷四十七

四

字漢階號龍西居邑西漳之前洲少好詩

僧天均詩時從之遊因工詩讀書自好教

授閭里

嘗爲六十自壽詩云父書讀盡髮蒼然辜負光陰六十年敬披每懷

欣曰夢開關時泣蓼莪篇渾身傲骨難諧俗滿眼風情羨謫仙最是昔人知足處歸真反樸樂天全著有得香初稿上下二卷年七十

九卒

和周蓮軒夏日閒居

陋巷卽深山長年獨掩關魚因池靜樂鶴爲舞餘  
閒真草隨毫寫詩文刻意刪不平歌當哭那惜鬢

毛斑



花事隨春盡蟲聲欲喚秋牛鳴隨牧笛蟹籩響燈  
篝不識天台路誰爲斗酒謀江山一吟望箕踞對  
沙鷗

芙蓉湖水漲記事

丙戌丁亥兩年大水

我曾去年湖村宿村中婦子牽衣哭云是彘遭飢  
僅年官逋私債相追逐丈夫無計欲出門未知何  
處堪投足我聞此語心悲酸贈言寧飢無自辱

朝廷不日遣重臣計口給錢併給粟含顰且過此  
三冬來春必有豐年穀誰知今歲復遭淹田園廬  
舍如飛瀑一線長堤民命懸千村巨浸乾坤浴側  
梁溪詩鈔卷四十七

五

聞 朝廷經費多允蠲允賑如重複嗟哉湖民真  
不祿連年水厄天天杯長堤築就結禍胎支襄廟  
中生怨讟

章烈婦

并序

烈婦無錫千戎黃山章舜哲女歸績溪程君程  
病革不瞑婦許偕行遂絕婦勺水不入口翁姑  
勸之婦曰吾與夫有成言矣行坐坦夷語言自  
若十日而氣絕 朝廷旌表之金錫兩邑宰兩

博士爲徵詩作者數十家余久擱筆亦爲留墨

偉哉黃山章氏女夫在彌留以死許逍遙同上碧

雲天泉路終諧鳳卜緣繡幃玉頰澄秋月蕭闥花  
飛黯暮烟烟月微茫歸皓潔扶植綱常彤史筆人  
間才盡是江淹斑管淚痕那可滅

季夏答尤應龍

自愛水姿潔白身無人道我葛天民納涼最是荷  
風淨却暑偏宜詩句新看竹人來雙鶴舞賣魚船  
過一鷗馴休嫌此老難諧俗讀罷莊騷始識真

題藻石圖

并序

余友華藻若子慶冠工繪事供奉內庭蹴居  
京師且十年歲癸巳蒙皇六子書藻石書屋

梁溪詩鈔

卷四十七

六

之額顏於齋藻若喜曰余字藻若時以清潔自  
勵今得附於石是勗我以不移也因命其子爲  
圖而徵詩及余遂用韻

肖藻肖石語非浮寄與青雲一點頭客子聲名濃  
似酒故人門第冷於秋南隣貢禹彈冠去北里方  
干連袂遊可否繪中添一筆倩人看作舊時鷗

顧贈公熙

字玉田號春臺諸生先洞陽公九世孫春  
臺天性仁厚居家以儉行己以謙事先以  
誠待人以忠常貧而困於場屋無幾微見



於顏色初吾家祭酒復初先生延之教子  
十年故於春秋大事表與有校勘之勞既  
老仍以授徒自給及見其孫銍中丁未會  
元年七十五卒 贈如鉅官

梅里謁至德祠

戎馬犇未寧何暇翦商祀豈無傳季心早於無形  
視挈弟來勾吳端委治周禮寧不惜故國社稷有  
人在君臣父子間隱德誰堪擬

登龍光塔

嗟峨望彌上面削午影圓四角撐晴空絕磴凝清

梁溪詩鈔

卷四十七

七

烟有時吐光怪飛鳥不敢前攝衣上層梯足底雲  
霧穿絕頂一以眺吳會正茫然五湖烟景澗諸山  
何聯綿白雲滃然來盪胸洗塵緣鈴聲亂鳥語松  
濤驚鶴眠清景難盡摹飄飄欲登仙

石門

龍山何鬱盤蘊秀在深谷石門闔何年千古秘仙  
躅興到來尋幽登臨仗筇竹徘徊絕磴閒竦然駭  
心目伊闕隱苔青龍門挂藤綠旁側澗環流幾尺  
瀉飛瀑更聽濤聲來叅天蔭喬木憇息淡忘歸愆  
悠寡所欲

秋蟲 集古

唧唧復唧唧，促織鳴東壁。流響歸空房，衆草起寒色。終日不成章，終曉不能靜。孤燈暖幽幔，夜中枕席冷。西北有織婦，泣涕零如雨。遍身綺羅者，白晝調鸚鵡。

銅雀瓦研

鄴城遺令心已灰，漳河突兀餘荒臺。土花暈碧露圭角，取瓦作硯濃雲堆。嗚呼西陵歌吹不可作，美人黄土東風惡。飛來片瓦入文壇，空使千秋弔銅雀。

梁溪詩鈔

卷四十七

八

駟馬橋

丈夫期許應卓絕，駟馬高車何屑屑。何爲司馬擅奇才，富貴營情五中熱。幸逢狗監能推揚，子虛進獻爲中郎。承詔西南諭，卽笮果然晝錦還。故鄉生前無實空，攜藻死後猶留封禪草。謾云有志事竟成，豈知勢利情顛倒。吁嗟乎我聞封侯萬里曾投筆，又聞慷慨中流嘗擊楫。義利分途秒忽間，茂林何處看桃核。

蠡湖懷古

我聞當年范少伯，興越廢吳建奇策。功成不屑像



範金抽身竟作烟波客至今蹤跡尚流傳十里蠡  
湖連笠澤我來湖上一徘徊無限悲懷觸緒來古  
來多少功名士烹狗藏弓良可哀蠡也超然見幾  
作輕舟蕩漾胸襟開越王舊殿今何在帶水盈盈  
名不改何緣但說陶朱公不將此意傳千載

石牀

蒼枝交蔭苔蘚痕此牀可卧無寒溫石壽如松松  
似石夢中白日登天門却被清風吹夢醒仰觀虬  
龍俯而聽洶湧松濤萬壑迴蕭然天籟非鐘磬

蕩湖船歌

梁溪詩鈔

卷四十七

九

其道名山是虎邱遊人日日買扁舟  
櫂滉漾盡  
縱綺杯盤狼籍皆珍饈少年之意不在酒皓腕擎  
來手接口霎時體態見疎狂歡娛那顧言之醜黃  
金盡百事灰前船過去後船來風花雪月朝朝換  
幾見無錢笑語陪嗚呼噫嘻世間苦樂常相倚惟  
從名教真樂地我今勸爾舟中人舟中笑我書生  
氣

新霽

簷溜忽無聲鉤簾喜氣生林開千嶂曉浪暖一帆  
輕屋角鳩呼婦枝頭鵲噪晴此時南畝上多少赴

春耕

晚眺

極目寒郊外亂山橫翠微驚鴻吹斷字落日照征  
衣遠樹疑帆影孤雲雜鳥飛漁歌與村笛相對總  
忘機

已亥秋喜得長孫魁捷信是冬卽將北上詩  
以勉之

忽傳鳴鹿宴光采賁衡門汝學尚無具吾衰何可  
言是緣承祖德奚以答 君恩勉緝詩書業還  
將行義敦

梁溪詩鈔

卷四十七

十

蓬瀛  
憶昔高堂望難邀一第榮青燈吾勵志白髮汝成  
名行矣風霜苦思之涕淚傾好乘風力便聯步到  
蓬瀛

行宮牡丹

萬花叢裡本稱尊况沐 天家雨露新絕艷盡看  
姚魏種承恩不數洛陽春依稀金屋藏飛燕彷彿  
雕欄倚太真慢道青蓮香更遠只今富貴有誰倫  
春夜

東林新月吐纖纖隔岸青山尚半銜燕子却疑春  
已曉雕梁上下語呢喃



丁未四月聞長孫禮闈首捷口號

菲材幸獲冠春英差慰年高盼望情休忘從前常  
寄語 君恩祖德荷生成

五月聞長孫蒙 恩擢庶常口號二首命次  
孫書寄之

今朝親族喜洋洋爲報 皇恩擢庶常莫使出

山泉水濁祖宗清白切無忘

由來報國是文章勤學須當愛景光吾已龍鍾思  
見汝如蒙給假暫還鄉

水仙

梁溪詩鈔 卷四十七

十一

東風吹綠五湖春仙子凌波不染塵傳語清泉好  
俱養渠非香粉綺羅身

顧布衣謔

字稼梅工詩善書真行篆隸俱入格上下  
淮揚蘇松之間書題屏障多出其手吾錫  
自玉蔣兩寓公後推稼梅矣稼梅挾其藝  
以遊諸侯交相推致各公鉅卿歲時存問  
無虛日如是者五十餘年然而白首空囊  
老病卧一室上漏下濕年七十六卒卒後  
求其篋中詩草亦不知落誰手其可慨哉

題姚笠山畫石浪庵圖

見畫軸

幾箝山中石船定楊子江邊石帆竟梁溪西去橫  
山頭雪浪萬頃開僧樓錫嶺何年成石浪開窗面  
面常相向誰將巨筆大如椽乘風破浪層巖上笠  
山坐卧茆庵中一月不出依遠公興來磅礴寫此  
幅海濤捲起隨天風隨天風勢欲走鐘起疑聞石  
皆吼有舟不繫橫絕陡墨痕想見排空手

舟中讀小倉山房詩集

見寺壁詩箋

北斗縱橫月墮時疎星幾點濕離離兩儀生後無  
非易六義亡來詎有詩窗白雄雞啼不住花紅粉

梁溪詩鈔

卷四十七

七

蝶夢相持關卿何事頻頻說只辨貞淫自得師

擲筆篷窗水自流水聲還替古今愁爭傳幼婦題

黃絹空憶蕭郎逐紫駟樂正定先論雅頌詩亡然

後作春秋阿誰一世推能手滿把風雲月露收

輕薄爲文杜老譏秦樓殘月又淒迷洞簫響徹雙

飛鳳名酒杯傳三角犀自誤聰明傷大道誰爲風

雅築長隄亦知無與癡人事謝客開山動鼓鞮

扣舷還唱奈公何越鄂舟輕音渡河長笛數聲低

夜月落花一片下江波折腰亦許爲循吏高足寧

須得謝娥不及微之偷格律此生公案逐年多



楊秀才逢春

雪村號枝山諸生工詩嘗手輯唐詩繹  
輝觀行于世著有雪村吟稿

積雨養空翠晴光蕩朝煙枝頭弄黃鳥陌上驅烏  
隄上下一潤澤萬象含澄鮮大哉造物功循順其  
自然乃知蚩蚩氓恩怨殊無端

李君澹岩人神情森秋水澄以爽片月千頃清無  
底示我迂松吟沿涉情何已夜色靜疎簾微聞妙

梁溪詩鈔

卷四十七

十三

香起舉世競綺麗了不閑正始盈耳箏笛聲淫哇  
誰復洗獨攜太古琴彈向空山裏冷冷一再彈四  
顧無知己渺渺向雲外松風入吾耳

辛巳春仲邑侯吳愛棠先生謁讓王祠墓事  
畢枉過草堂賦呈百字

瑤花燦林表宮墻滿清輝我公夙駕至春風拜遺  
祠僂見生民初眷慕如庭闈還紆望陵旆飢渴方  
載馳緬維古讓王端委此開基文孫千載後輝映  
鳴琴時廣川含澄波大陵擢莫姿木生必有本本  
茂陰四垂起化必有原一原惟孝慈皇山鬱佳氣

紛郁慶雲飛

將母詞

卷四十七

峩峩大陵中潛隱春姿好菁菁沐華滋長育到小  
草吾母生我辰頑璞以爲寶鞠我顧復我勞瘁不  
知老老去須侍養瓶罍空傾倒奉檄喜無時菽水  
未能飽依依奉晨昏歲歲共相保母爲凌寒松垂  
陰向冬杪兒爲枯藤蘿松身徧纏抱  
飢來驅我去去去梅花村獨攜古石硯手耕犂确  
田力弱田亦瘠安取三百廛人耕每有秋我耕不  
逢年蕭條寄一硯寸寸常懸懸本爲負米計轉違  
梁溪詩鈔

卷四十七

十四

慈母顏奉養亦已疎升斗尚或難翩然歸去來忍  
飢吾母前

吾母嘗呼我大男汝來前汝負蹇拙姓向人無合  
顏邇來撫汝鬢汝鬢已蒼然冰霜汝能耐淡泊吾  
能安非分營甘旨於我實不歡况汝有兩弟頗知  
汝艱難奉我力稍給汝無心憂煎再拜慈母訓解  
顏勸加餐

發歲風光好曉起拜東皇吾母今燕喜八秩春暉  
長怡怡兩弟偕孫曾羅中堂大婦春鳩杖中婦獻  
黃裳小婦進襪履左右相扶將丹顏坐長筵拜奉



酒盈觴勸母進一觴願母壽而康松色映階翠梅  
花繞座香喜氣如春釀盡室熙朝陽  
昔昔德星隱吾父歸帝鄉杳杳白雲外仰視空青  
蒼母如秋宵月兒作顧兔藏高寒抱孤影晚晚娛  
清光茲晨介胥壽可以速親朋剪韭爲龍根滄泉  
爲瓊漿填簾有子季清謠叶笙簧非義卽一介不  
爲吾母將

海上三珠樹亭亭蓬山中接葉交枝柯高蔭鬱葱  
龍樹樹栖鸞鶴奇翼相追從如我兩從母閨範吾  
母同十年遞以長三壽今作朋叶七萬六千日復

梁溪詩鈔

卷四十七

十五

此嬉春風嘉慶萃一堂光氣藹融融羣從迭拜舞  
阿母顏鮮紅卽此是天樂何爲慕鼎鐘

仙酒歌奉酬葛梅谷惠家釀

秋風颯颯吹梧桐鬢絲禪榻嗟龍鍾詩魔未降愁  
陣結堅城誰倩奇兵衝日盱白衣來送酒長生木  
瓢容一斗倒着接籬問旨否珍重封題稚川叟稚  
川本是餐霞仙修羅酒譜天宮傳擣香篩辣蒸瑞  
露一泫玉井丹砂泉傾瓢四座聞郁烈翠濤欲瀉  
先流涎是時新秋水碧天水輪乍碾玉兔妍半杯  
頗黎照破長空色眼花落處金波寒一口吸明月

洞燭藏府開元關再燕風火發如勅六丁搜遂撐  
腸之魁壘散向毛孔怡朱顏兩腋習習生羽翼參  
鸞我欲凌雲烟此酒一瓢敵一石小戶三秋足瓊  
液况復一飲干日醉日贊酒功頌酒德幕天席地  
夜放歌玉宇沉沉萬籟寂

中秋夜浦觀芋倪茹衡薛二春同集顧研齋  
書舍得寒字

一片中秋月飛來桂樹端露將花影白風與笛聲  
寒清景爲誰好同心惟古歡高軒動吟興未厭徹  
宵看

梁溪詩鈔

卷四十七

十六

酬韻王欽齋湘中見懷之作

水木清華地當年羨卜居醉歌青眼在攜手白頭  
餘月關通歸夢囊空貯異書琅玕感持贈踪跡未  
應疎

哭浦德星

客館連晨夕便便羨孝先自言兩世業努力一身  
肩以此長憂患而終竟棄捐天耶豈人事辛苦隕  
華年

送秦四酉經借弟蘊山自洛中歷燕趙

山川鞭影裡萬里若飛騰絲爲平原繡門從元禮



登丈夫惟立志天下莫爭能落拓慙子季真看驥

尾蠅

某臣挽蔡敦復表叔二首

存

一為公次為人報

中郎業未就長吉召遊行秘笈誰當授枯桐已絕  
聲有涯悲短日無盡寶榮名碧落神光在新銘取

次成

某和已卯先子忌辰誌感

詩書麴蘖釀逾深猶見當時汲古心硯北鉛丹搜  
秘苑城南燈火惜分陰晚窗靜對濂溪草早歲情  
移海上琴慚愧瓣香親付子修途冉冉老相侵

梁溪詩鈔

卷四十七

十七

次薛二春韻

生涯寥落鬢蒼然休道天公賦予偏處士風流還  
有分自家康濟那無權蝶牀攤飯閒伸足驢背衝  
寒吟聳肩取次前塵形贈影飛鴻雪爪落誰邊

某愛棠吳明府題詩拙草以贈索和應教

遺民千載傍皇祠快觀雲仍慰夢思桑梓重垂嘉  
樹蔭菁莪追咏育才詩露沾微草同三秀日煦寒  
巢到一枝知已平生那無感飲公元氣入肝脾

同人分咏江中秋月

月到中秋處處同長江萬里浩無窮四弦彈徹青

衫淚一粟橫翻赤壁風鯨海珠沉龍卧穩鯨宮水  
湧雁嘶空何人釣艇黃蘆外滿眼金波酒盞中

雨後雲峰

一半雲成嶺流雲又半之無心任變化未必太空

知

畫山必畫雲雲影無山色一經化工手淋漓任潑

墨

秋夜不寐

虛堂秋響集愁耳夜聞多已斫芭蕉樹其如落葉

何

梁溪詩鈔卷四十七

十八

雨夜夢中得句

夜半聽虛枕簟涼儵然清夢落瀟湘樓中辨斗星

辰大醉後吟詩風雨狂

倪秀才龍鏡

字時行亦曰茹蘅諸生與浦觀芋楊枝山

往來唱和著有舫亭小草

巴陵覽古

笛聲吹滿洞庭秋常遣烟波撼岳州悵悵投書人

不見依稀鼓瑟路何修長風一舸天難問落日三

湘客自愁仁者樂從天下後可能爛醉倚層樓



新秋同雪村

我亦悲秋者秋風爾許長  
遙村鳴杵日中夜亂蛩  
蟹花下草堂閉燈前書傳香  
呼童掃籬落高韻拓  
清光

野老

野老胸無事新詩落酒瓢  
生平渡揚子對客話金

焦

周布衣鎮

字漢冲晚號愚隱幼秉異質讀書過目不  
忘好詼諧家貧恒竟日不食歌聲出破屋

梁溪詩鈔

卷四十七

十九

中終其身無攢眉齷齪之態與過正諤顧  
玉亭侯思泉爲忘形交晚歲教授里塾以  
自給年六十七卒

秋夜懷過正諤

秋風瑟瑟百慮煎東隣小兒苦守錢君家佳氣人  
間少九十阿母貽令顏閨門孝友及娣姒花徑飛  
花流活水澄波一片入蠡湖管社山莊白雲裏白  
雲裏花連山扁舟誰共渡湖去湖上白雲招我還

讀陶靖節年譜

不作臯夔侶還爲綺皓儔我觀陶靖節轉憶晉風

流籬菊垂青史柴桑耐白頭人生歸有道陶句乞食固非謀

四壁同秦中洲野寺看梅

望極雪開處香聞鐘動時偶然閒客過已有野僧知山冷不成夢鶴歸猶未詩支公禪榻畔縞袂夜

何其

指晚登寶界山

路修我已述行徑霧散雲收陰復晴渡口夕陰歸

棹影村邊野寺暮鐘聲心隨流水鷗為伴家在前

山月自明回首繁華原是夢男兒何苦逐浮名

梁溪詩鈔

卷四十七

三

懷過正諤活水草堂

新柳陰深安樂窩一重門外卽烟波三千客去黃

金散六十年來白髮多濟世有心空廣厦致身無

計託槃阿

正諤築普濟堂成而家貧退居於此

應思揚子談經處謂管

社

芳草萋萋綠滿坡

誰知僑盼老菰蘆攬鏡蒼然笑問渠一擲檇蒲空

四壁幾堆詩卷失三餘驚秋桐葉兼風隕破臘梅

花近歲除萬物榮枯咸乘化沈攸之已悔當初余

時以博奕破家今悔亦晚矣

今悔亦晚矣



稽秀才璋

字南玉號養生諸生早歲尚氣節不汲汲  
於富貴堂叔文敏公家素節儉子弟不得  
華綺養生十齡時與諸兄弟同塾讀書常  
服布衣客戲曰皆衣褐應聲曰腹有詩書  
氣自華衆以為不凡顧屢試屢薦不售五  
十外端居好道時有出世想惟兢兢以讀  
善訓其子年六十七無病而卒

一室

梁溪詩鈔

卷四十七

三

一室

梁溪詩鈔

卷四十七

三

一室嚴九天藐躬備萬物兀坐何所思對越在金  
闕天人一氣中呼吸晁親切乾父望子心欲保其  
昭質昭質日以昭重於保膚髮膚髮受於親昭質  
出陰陽昭質苟不虧膚髮胡斷絕所以羣物祖赫  
赫示賞罰氓庶既至愚士夫何自失逆天而求福  
違道以求活積惡災及身惟彼人性拂今者草莽  
間浸淫至都邑甚者衣冠中又出於閥閱覲然無  
不為洵洵不可遏彼豈不聞乎聖賢為陳說小人  
悖之凶君子修之吉願言慎厥身何必求仙佛

承濬金陵鄉試命其度展高曾祖墓

不拜松楸又二年可憐承祭士無田人生有本如  
流水誰識何源出醴泉家徙龍峯得龍脉墓從牛  
首指牛眠吾家自覲南公遷于錫而叔父文敏公  
發祥于此高祖立齋公塋金陵之牛首  
山汝曹數典須追遠鬱鬱葱葱奉几筵

侯布衣光第

春水日字枕漁長身鶴立吐囑蘊藉飲不多而得

春飲趣工畫學黃子久弱冠卽賦百花詩百

首吳君斧仙序而行之顧困於小試襍被

遊梁旣而入粵今江蘇巡撫奇公觀察粵

西時延以教子閱二年竟卒於粵西署中

梁溪詩鈔卷四十七

三

著有蘭圃詩藁六卷醉紅詞藁二卷文藁

二卷奇公愛才念舊經紀其喪以歸今十

數年來存問其家常如一日

春郊晚步

春光日已暮策杖過柴門楊柳隔溪笛桃花何處

村古風看父老揖客有兒孫興盡歸途晚蒼然烟

水昏

春思

夢醒鴛鴦帷鶯啼合歡樹不解妾傷春語語留春

住



雜詩二首 登白湖山

千金買明珠禦寒不如襦  
百金買寶刀力田不如  
鋤渡河乃舍馬載重斯  
求車用物苟違材雖貴  
徒區區  
蒲柳無霜姿秋落春復  
萌蜉蝣無仙骨暮死朝  
復生深波有時沸崇山  
有時崩可憐鬢中絲一  
白何時青

登錫山

山意正蕭瑟登臨感慨  
多冷雲高不落秋水淡  
無波天外孤帆遠遙空  
獨雁過征南諸將士消  
息近

梁溪詩鈔 卷四十七

三

如何

山意舟行

嬌鳥隔花啼輕帆度小  
溪岸容頻改樹麥秀不  
分畦流水心俱靜春山  
黛與齊風前能睇望人  
在夕陽西

不寐憶家叔萊舟

欲睡何曾着凄然憶旅  
遊真成千里別併作五  
更愁明月方窺枕清風  
竟滿樓誰將猶子意一  
夜寄中州

詠河洲首蓋自媒也

東風來浩蕩春思過高樓樓中有佳人白皙肌膚  
柔言掃翡翠牀自掛珊瑚鉤含情攬明鏡對影增  
憂愁亦知春色好蘭蕙當階幽不采蘭易枯欲采  
妾自羞無言空愛惜獨坐詠河洲

人哀過武安弔長平坑

白日欲沒風颼颼妖狐奔突蒼狼愁馬蹄躑躅不  
敢進前有萬鬼挪揄叫嘯聲啾啾我聞秦人坑趙  
卒四十萬命同浮漚髑髏高似太行雪碧血逆作  
汾河流哀魂怨氣慘不洩黃泉白骨無春秋人言  
驢武鬼神怒矧殺降卒天人憂新城之坑正一問  
梁溪詩鈔卷四十七

五

新鬼故鬼嗟同休嗚呼新鬼故鬼嗟同休止戈乃  
是金湯謀

銅雀臺懷古

落日漳流澗蒼茫聚劫灰不堪餘瓦礫長此沒蒿  
萊亂世三分鼎文章一代才春風歌伎散遺令使

人哀

社日謁李衛公祠

相傳衛公遇龍母於此因  
以建廟邑有旱則往禱焉

韓山峩峩撐青空山頭笏立朝靈宮赫聲濯靈奠

茲土神來神去虛無中貞觀將相煒三代就中衛  
國尤英雄龍德顯晦不可測勳勒旂鼎光能熊以



勞定國固宜祀胡據逸事驚頑蒙傳聞我公少年  
日得遇龍母施神功手攀蛟螭入雲霧駢策電母  
鞭雷公魚尤屏翳悉用命驕陽旱魃潛無踪江湖  
倒流海水立渾淪一氣包鴻濛其說虛誕未可信  
星辰河岳理則同我來展拜及春社波波汲汲多  
村翁箬簫伐鼓雜歌舞豕肥特粢盛豐嗟公正  
氣塞天地入門彷彿精誠通血食下土職無曠肅  
又時若惟功庸朝來雲合沛靈雨肅肅總帳吹英  
風

梁溪詩鈔

卷四十七

五

晨興理鞭策窗戶耿微光飛蓬隨天風遊子去故  
鄉去去安所極各自天一方母泣不成聲兒啼牽  
衣裳丈夫不自立俯仰徒悲傷吞聲出門走揮淚  
摧肝腸

在家有寒暑出外無冬春一身不屬我萬事多求  
人談笑依餘光趨步躡後塵平原既不作及此迴  
迷津

大隱隱朝市小隱隱山林此願兩不諧憂勞苦交  
侵跼踖躡旅間舉頭發哀音金紫滿天地詩書阻  
華簪浮雲戀故山飛鳥戀故林請君歸去來風塵

傷我心

言有二三子迢遙隔兩鄉一南一以北相思苦相  
望山行馬蹄傷水行無舟梁昔爲芝與蘭今爲參  
與商  
新漲平添沒釣磯菜花開盡麥苗肥溪山好處無  
人識只有雙雙蝴蝶飛

兩載飄零入雒身忽逢歌舞一番新多情莫怨青  
蛾老猶有空閨未嫁人

梁溪詩鈔

卷四十七

三

新秋夜坐寄懷表弟吳振裘

佳期渺難得獨坐鼓瑤琴修竹拂殘暑池花閒女  
陰忽逢北來雁恐有南中音相顧不相接迢迢永  
夜心

古風呈周蓮浦

兔絲附松柏裊裊百尺長蒼蠅逐騏驎一舉走入  
荒微物得所托意氣爭低昂嗟我如窮魚鬣鬣難  
怒張念昔始讀書童騷不自量委懷媿臯稷落筆  
欺馬楊興酣激長嘯得意謳清商茫茫八紘大兩  
目無侯王荏苒三十年此意不得將翻然事遠行



結束遊子裝蔥母繸我衣未縫涕盈眶意苦語言  
好平安早還鄉弱妻起送我未語先咽吮門衰祚  
單薄有弟病在牀晨昏妾自持岵岵君莫忘驕女  
未離乳跣足披袴褶挽衣攔道哭問耶走何方熟  
知苦無益清淚交浪浪一年住東魯兩載羈大梁  
殘茶與冷酒落寞難禁當以茲情懷惡瞻顧生傍  
徨長安十二衢朱門列成行朝謁閭人辭揮斥駐  
牛羊暮謁主人喚凌厲聲磻碩欲前足不進欲語  
氣不揚短褐難掩縉粗糲纔充腸北風蕩層雲白  
日寒無芒掩而出門走躑躅顛且僵哀歌動衆笑  
梁溪詩鈔 卷四十七

毛

丈人獨閑傷立談抉肝肺引坐開中堂愛我笑語  
溫靄靄如春陽督我體貌嚴肅肅如秋霜我材本  
醜雜謂我如鳳凰我質本砒砒謂我如圭璋古道  
遺流輩大義扶羸屓感公用心厚愧我意態狂慷  
慨抒此辭筆力苦不强明月不暗投乃知是夜光  
鹽車不困辱乃能辨驪黃請看樊籠鳥得路雲間  
翔

送劉五研齋赴粵東幕

我已嗟行路誰教又送行大風嘶匹馬落日戀孤  
征身老諸侯客春通百粵城傷心一尊酒同負故

園鶯

湖上殘柳詞五首和韻

存二

幾行衰颯苦無聊何處蘭橈載碧簫落日一痕鴉  
數點秋風聞煞小紅橋

折盡長條去馬多更無青眼送橫波漢南司馬真  
憔悴老淚西風喚奈何

鉛山舟中作

十年踪跡似飄蓬章貢南來一櫂通萬樹雲歸山  
色赭半江日落浪花紅舟從出險輕帆穩人已辭  
家萬慮空只有思親兩行淚等閒流向大江東

梁溪詩鈔

卷四十七

三

羊城雜詩四首

楊柳堪藏白項烏大南門外試提壺當江一葉瓜  
皮艇知是青溪最小姑  
夜深簫管沸中流碧酒紅燈處處舟花樣蠻娘珠  
樣曲幾人消得錦纏頭

海上風來透體涼柁樓今夜試新妝木蘭花後秋  
蘭早一朵斜簪茉莉香

丁字珠簾映水濱穠花香草媚殘春自來行樂天  
涯好休遣離愁著莫人

陽江道中



行盡天涯景物非卽看村落已全稀人從斷水橋  
邊渡雲傍秋山洞口飛獵獵斜風歛短髮蕭蕭疎  
雨怯單衣等閒莫說高涼近鳥道重重隔翠微

夕陽小艇遲行客把蓋看山獨立時陸林於  
同韻句也錢御三爲林於補圖索余題之因吟  
自餘寒截句三首以贈王良五以應林於容賦  
客與春波罷釣筒單衣初試立當風最恰捉鼻微  
吟處好句天然自放翁

船尾斜陽落遠汀船頭魚咬水花腥多君冷眼看  
山色認取臨江幾點青

梁溪詩鈔

卷四十七

无

誰是如今老畫師寫將風采入新詩同歸訪爾吳  
興道記取推篷獨立時

得家書後感賦

征鴻昨夜破雲回帶得江南信息來母老饔殮嗟  
自給家貧門戶傍人開子身正似秋風客混跡翻  
同避債臺何日將歸學烏哺嬰兒容易已成孩

贈奇麗川觀察

十載尚書省承恩百粵東海山寒有燄嶺樹暖無  
風執法臨台象論文見國工壯猷憑建豎卓越幾

人同

秦吏部泉

字季賢號漪園禮堂長子己丑進士選庶  
吉士授編修改吏部擬補考功主事赴熱

河引

見忽以疾卒年五十四

遊羅浮放歌

我聞羅浮拔地三千六百仍配以衡嶽祝融爲佐  
命分自蓬萊泛會稽壁立南海東睡作雄鎮攫土  
搏沙補綴了無痕疑是巨靈鼉扇揮霜刃何年鐵  
柱石柱鎖鈎連萬疊雲霞縹緲橫綿亘又聞羅浮

梁溪詩鈔

卷四十七

三

四百三十有二峯尚留神奇佛迹與仙踪上躔牛  
斗下滄海金陵地肺遙相通環以瓊臺璇宇七十  
二水簾倒掛潺湲噴薄鳴淙淙飛雲絕頂插霄漢  
但聽三更天雞呶喔日出扶桑東我來五月正逢  
澗底菖蒲綠瑤草琪花錦繡鋪巖谷好佩蟲篆龍  
葱竹葉符去採紫芝紅玉茹黃獨道人贈我昇仙  
橋上萬年籐髻髯燃藜太乙照字來天祿饑餐伏  
虎巖畔之瓊漿渴飲釣鰲石下之飛瀑緊余豈是  
神仙儔試訪丹砂朱草厯厯如前遊鮑公燕舄翩  
翩倏來往葛令蝶衣栩栩還遲留七星壇邊樹尚



在八仙石畔杯猶流麻姑玉女笑相指鳳臺雲母  
恣爾傾筐收昔年名隸丹邱籍醉墮紅塵夢幻隨  
浮樞坎離龍虎不自保玉田金鼎從何求利鎖名  
韁桎梏同陷阱空貯芥蒂萬斛填胸愁莫戀世上  
紛華瞬富貴換却壺中日月千秋我聞斯語醒  
惺悽浩浩長空解羈鞚出岩旋過白鶴峯歸林歎  
返黃龍洞洗心景泰卓錫之靈泉換骨稚川鍊竈  
之真汞談禪釋鷲任縱橫問道仙蟾肆摩弄蓮沼  
風披茂叔襟梅村月照師雄夢來帶塵沙偏惹面  
目憎歸染烟霞未覺衣衫重冰雪聰明靜裏生吉  
梁溪詩鈔卷四十七

三

凶悔吝根於動了却前緣滌此無垢身好乞長生  
可試雲間鳳

由七里龐至富陽

嚴子高風不可攀淺深蒼翠接彎環栖栖笑我勞  
薪慣寂寂輸他釣渚閒人對簡編銷夏錄天開圖  
畫富春山卽今小艇橫斜處領取寒鴉流水間

薛孝廉聯元

字純仁號棠村丁酉舉人寄籍建昌沒於  
熱河孝廉稻孫之子中翰玉堂之兄也

金陵余家故土余惜未一至覲光旣解維復

感賦此

芙蓉湖水冷烟霞回首金陵不見家已訝原鶴同  
陌路直看鄉國等天涯垂楊渡古迎桃葉沽酒村  
遙指杏花今日君歸看飄絮百年三徙悵三巴

余  
家在 舊在蜀遷金陵今居梁溪三世矣

楊濟陽乘槎

字立夫國子生以兄夢槎殉金川難無子

立夫躑躅蠻檄求骨不得攜衣冠歸葬焉

恩蔭及之授濟陽知縣既莅官政尙廉恬不事

粉飾鳴謙表性難進自居十年不調每以

梁溪詩鈔卷四十七

三

兄祠未築耿耿於懷年五十五以疾卒於

官臨歿屬家人以千金為兄立祠費二難

無後君子並惜之

秋夜

道逢黃石一把臂歸與青蓮共論心半夜紙牕秋

雨歇悄然明月落吾琴

聞誤仙兄殉難之訃

慷慨平生志竟酬腰仍一劍駟雙虬得從王事仙

非誤誰道人生死卽休楚客招魂魄不散杜鵑啼

血血為流欲知何處收兄骨瘴雨蠻烟萬里秋



吳秀才培

字健如諸生黼仙之子隨黼仙入蜀著有  
詩如神機行詩草又有齊魯間詩已失年四十一

自五星臺至柳樹灣作

蒼蒼萬山麓轉側未可數下坡始一放土崖復再

鼓右澗殷轟雷左山怒蹲虎偏仄走一線長橋勢

如組蘿坪雪點竄樵徑雲吞吐頗疑氏羌時

舊係氏羌

地積翠自太古棧閣幾千間嵌空鑿榛莽阿誰郎

當日偏遇淋鈴雨至今替戾岡十十復五五清越

僧磬聲悠然出深浦

梁溪詩鈔卷四十七

三三

鳳嶺

出山愛山好入山畏山險出山復入山人情易褒  
貶我登梁泉原鳳翻勢猶斂冷風一搏扶虛空瞰  
崖广側坡梯絕壁每當怒石閃盤迴無定向雲日  
互掩冉巖上誰留題鑿破芙蓉臉前山忽沉浮烟  
海波光漱鳳背負青天欲跨罡風颭輕身尚邪許  
乃復車徒儼惜無荆關手奇境入點染稍可息馬  
力峽轉路平剡草又青齊魯間詩曰夫峽四十一

心紅峽

午飯停征驂山行快晴晝入峽妙千轉巖壑競幽

秀淙流屢向背峰勢忽左右位置宜園林奇作冠  
宇宙野花不知名香氣欲盈袖鬼帶絡雲根欲捫  
未敢就吟情忘倦疲畫趣紛接搆前指廢邱關設

險漢封堠

章邯舊封

柴關嶺

漸引星辰上

由南星坡上

羣峰作勢遙煙深迷鳳驛雲

斷補虹橋石竹翠欲滴木棉花未凋時平無設險

歸唱樂山樵

馬鞍嶺

棧山無寸平茲嶺復旣礪纔登忽已降再接再礪

梁溪詩鈔

卷四十七

三十四

乃廿四馬鞍橋一一橫空待參天壑間樹終古青

蒼在龍江逼仄流黑洞走深灌綠崖一俯闕足迭

氣已餒四萬八千年幽險不可改那得秦皇鞭盡

驅入蒼海

雞頭關

萬山沈壑底策杖跨蒼穹洞啟青雲上江流碧霧

中廢興看代謝呼吸與天通最險褒斜谷秦關第

一雄

出褒谷口

荒塞入聲五百里無窮秦棧山竟從千仞谷飛出幾



重關別有人民在恐非天地間梅花何處是欲訪  
絕躋攀谷口有鄴子真故居

沔水

在山雲色染出谷鏡光開東海朝宗去西傾職貢  
來灘晴堪厲揭艇小自沿洄歎息龍長卧城東水

一隈

武侯墓在定軍山下

忠武侯廟石琴

峩峩定軍山沔水環自右摳衣丞相廟松柏森戶  
牖石琴藏堂皇古色積深黝清越作磬聲池嶽絕  
塵垢置之薰風朝愜解財自阜惜哉伊呂材運數  
梁溪詩鈔卷四十七

三五

龍洞背

褒斜屢伏見一線走龍洞頗疑神禹力鑿此無底  
甕峭壁奔雲間疲馬嵌崖空神龍未可騎好借扁  
舟送

朝天關

一步一奇境時懷出塵想秀外險在中心目屢慵  
帆馬影到江心綠雲破泱漭曲折嘉陵江勢落一

千丈

牛頭山天雄關僧閣

已到諸天上凌虛萬丈強烟江鎖巴蜀雲岫壓  
羌傑閣難爲構雄關險獨當可憐征戰苦遺恨有  
譙黃

清涼橋

五台山勢斷雲護一溪烟蒼莽尋人徑荒涼問石  
泉寺名臨風真意外落日又誰遣客緒紛無著長程

殘臘天

鄒秀才容成

字雲瞻諸生丰神韶秀工書能劈窩大字

梁溪詩鈔

卷四十七

三六

年三十四卒

生公講臺

我欲騎長鯨東訪赤松子蓬萊不可到弱水隔萬  
里昨者片帆過虎邱鳳簫龍管行清秋紅妝逐隊  
嬌無那翠黛連山淡不收生公臺下蒼苔徧生公  
臺石何曾變幾人看見石點頭飛花亂撲行人面  
點頭之石終不言昔人誌怪今人傳我道生公不  
須講留取各山石強項

春餅

十分春色到今朝綠酒紅燈又頰椒一片勻圓裁



月魄五辛層疊展水綃銀絲細細傳纖手玉筍頻  
頻類捲蕉正是江南好風物調梅時節薦金鈿

吳處士鑄

字鏡江居邑之梅里力學工詩精篆刻年  
三十三卒初得疾隱之越二年疾甚乃歸  
盡出其祖父所遺書陳之案且讀且燒涕  
淚橫集嫂黃氏詢之伏地謝曰鑄不幸父  
母沒於未生之前生母去於襁褓之中賴  
嫂以至今日今疾且不起無子以延先人  
嗣言已皆哭失聲及疾革索紙筆書數千  
言末曰必以族子某爲兄後庶不負嫂之  
志也著有鏡江遺稿

村居寫懷四首

存二

性懶兒時未習耕課晴問雨愧平生愛蓮學種溪  
邊藕喜菊勤扶雨後莖寺近每邀僧共話地偏只  
許鶴同盟莫言長物貧無有家蓄清泉好自烹  
從來不省斂雙眉何管年豐與歲飢犬亦安貧宵  
睡穩婦因勤織午炊遲數家細雨鴉翻樹半郭斜  
陽犢下陂閉戶條然足幽趣此中清况幾人知

承恩堂賞菊次楊雪村先生卽席口占原韻

梁溪詩鈔

卷四十七

三七

簡呈復齋夫子

晚節何由寄年來菊自栽每逢花滿逕常遣酒盈  
杯瘦骨知同傲高懷想並開慚予承教久却愧八

父才

夫子示作有誰人  
詩早就故及之

病中吟

吾生本草草抱病更年年何事能如意無時不可  
憐門衰奴意意衣敝友情遷寂寞寒窗裏宵來藥  
自煎

岳處士鶴

字鶴立從余族兄稼梅遊稼梅嘗謂余曰

梁溪詩鈔

卷四十七

袁

他日可放此人出一頭余顧未之見也忽

詩

聞其天死可悲也哉年未三十也

邵文莊公讀書處懷古

草樹蒼茫野徑長東林高跡仰文莊空餘塵榻孤  
明月閒煞風簾捲夕陽白酒青燈思往日晚柑新  
翠愛留香誰能再秉驚天筆大爲周文作道梁

宿稼梅師齋立春日曉起偶書

土牛清曉着先鞭從此辛勤又一年瘦骨依然寒  
料峭春情猶與病纏綿經營生計隨新草排遣閒  
愁劈舊箋自悔蹉跎書未讀與師聯榻已遲延



答新開次韻

而今畫虎敢求知蒼狗雲衣幻態疑兔欲謀藏三窟少鶴雖籠伏九臯期褰衣陶令辭歸去擲筆江郎賦別離莫惜陋身幾不保幾人失馬反無悲

秋日偕蔣睢園訪袁奕山同泛南湖不值

萬山新爽愛秋時踏碎朝霞爲覓詩花瓣溪頭攜

蔣詡睢園草堂旁有  
小溪名花瓣溪稻香村裏訪袁絲欲親風雅

登堂久直恨烟波過艇遲敢向柴門題鳳字相將

看竹慰遐思

靈巖別卓亭上人毅甫華丈

梁溪詩鈔卷四十七

三九

忍却離懷放棹還秋光一半去難攀維摩榻並陳

蕃榻龍鬪山迎虎踞山吾鄉龍山隋時  
有二龍鬪其上醉墨淋漓

塵法座詩魂依約証元關明春待汲三泉水洗眼

同將俗慮刪

江行與吳六

不盡江流入大荒遙空閒煞是斜陽酒杯澆得愁

千里同倚危樓數雁行

久不晤至公立夏日忽寄惜春詞索和並招

余爲杜鵑洗塵走筆賦此

窅窅松門靜不開東風多事引蜂媒高僧莫更談

空色也費閒愁也費才

昨夜東君駕始迴盡拋錦繡付塵埃那堪收拾吟  
魂定又報枝頭杜宇來

慧山寺遇王鏡岩司馬游茶話

春風淡沓天放晴綺縵西去錫簫聲畫船青翰水  
如鏡珠簾十里花分明水綠山青自今古人不  
識秦皇鴨六朝松折空蒼苔騷人逸士匆匆去忽  
逢一叟如神仙蒼顏白髮披雲烟厭喧與我意氣  
合一笑徑拍洪崖肩石牀對坐磬聲裏銀杏根盤  
十尋矣叟論六書溯蒼史响嘯石鼓及符璽折劍  
梁溪詩鈔卷四十七

四十一

敗屋漏痕宋元以降漸失真眼中碌碌無傳人吾  
聞此語寔增慨暑年及此徒苦辛鴻都門前滿荆  
棘壯遊且欲一過秦鐘爨尊罍足模撫卣鼎甌鬲  
款識陳安得一一考覈定與叟坐卧一室相主賓  
日將西下岩花落松風謾謾天籟作啾啾歸鳥喚  
人歸欲請老仙驂野鶴

豪家置菊華堂釀余讌賞不赴酬以詩

飄零三逕月微茫艷質柔枝却傲霜休笑性寒依  
老圃不因人熱到華堂白衣送酒聊醫俗秃筆題  
詩漫放狂堆砌黃金已盈屋破籬風定自然香



陳麗齋旣赴玉樓越數日聞穉中子復殤哀  
憤成二截

阮修有室未三年一旦音容隔九泉長吉賦才雖  
妙絕寧邀知遇在蒼天

蘭子推殘夢更驚誰憐屈鬼可憐生孩提縱解從  
親孝伯道還應恨未平

觀棋

倦眼常迷黑白邊由人勝敗總欣然却嫌一着爭  
先錯轉瞬看來海作田

周處士玉峯

梁溪詩鈔

卷四十七

四十一

字崑山幼沉靜緘默家貧好讀書人不知  
其能詩也每夜誦至達旦且有所作亦不以  
示人年三十四卒後家人得諸篋中曰  
獨旦語存其偶得云花嬌眠媚月竹醉立  
當風梅花云一枝臨水發幾片過橋飛獨  
立云月斜看影側鐘過覺寒侵訓蒙云二  
物威村塾三餘老腐儒又云山犬聲如豹  
村童氣似牛野眺云林開山出面石斷水  
分心題七美圖云三人行亂影四美具豐  
頤園中云南北東西魚上下春秋冬夏鳥

飛鳴驟雨云屋漏牀邊燈欲殺塵封釜底  
水方生此類尚多幾於鑄刻造化特首尾  
苦不能盡善耳倘天與之年吾不知到古  
人何等也

寒夜

萬籟闐以寂天心在早梅漏催寒月起鐘帶曉霜  
來困蠹宜餐字飢人不賣歎閉門吾計決僵卧喚  
應回

觀瀾閣圯

李白已乘沙棠舟醉中踢翻鸚鵡洲如何搥碎觀  
梁溪詩鈔卷四十七  
瀾閣認作江邊黃鶴樓

四十一

館童

主人屋在澗之西童子攀巢鳥亂啼兩日不曾來  
掃地滿庭雨濺種花泥

寒女

山南山北負薪歸薄暮荒原野燒微獨有老翁沽  
酒去却教寒女掩柴扉

受業程玉杏洲校



梁溪詩鈔目錄卷之四十八

國朝

乾隆十五

朱孝廉果

十四首

高秀才樂志

三首

張上舍躍淵

九首

秦處士玉堂

四首

王上舍相英

三十七首

王明經樾

五首

侯秀才鳳芝

三十三首

杜秀才士桂

一首

陳秀才灝

二十五首

梁溪詩鈔

卷四十八

目錄

一

王公孫堯

九首

華秀才章煥

六首

以上共十一人

二十三首

王明經樾

五首

王上舍相英

三十七首

秦處士玉堂

四首

張上舍躍淵

九首

高秀才樂志

三首

朱孝廉果

十四首

梁溪詩鈔目錄卷之四十八

梁溪詩鈔卷四十八

梁溪顧光旭華陽氏集

國朝嘉慶御製

朱孝廉果

自號字庭春號補庵廉吏紹川先生之子癸卯

舉人性愨謹繩尺步趨言動必於禮與人

交有始終又承習家學耳濡目染自為諸

生時與其羣日講說古義磨礪浸灌年四

十餘中本省鄉試副榜又三年舉順天下

第羈留京師再試而病病既革猶作塲屋

梁溪詩鈔卷四十八

一 伊嘸聲其可哀也年六十

蟪蛄歌

孔聖憎蟪蛄詩人刺蜩螗春生不知秋厥聲何張

皇相將付赤天聽我彈鳳鳳鳳鳳寄絲桐雌雄鳴

鏘鏘但聞律呂調不見苞彩光曲終知音稀揮撥

還自藏翻羨蟪蛄飛得上君子堂

未古意果

莓苔喜陰雨葵藿傾朝陽鼠雀紉牙角鱗介難翺

翔天道有盈縮物理互短長如何薄笨車擬作泛

海航願因風濤息改轅還故鄉



讀響泉先生集籬菊下十四首依韻得九首  
秋聲忽而至虛堂落葉新寒螿咽幽砌繁華瘁霜  
晨百感從中來騷屑難具陳行吟菊籬下邈然懷  
古人

樹人良不易藝菊誠復難夏苦旱魃秋迫青女  
寒蟻蠕蠕與螭旋復枝上攢所恃一線根不受異  
患干時至數莖秀抱露聊可觀始知小草心默契  
造化端危微寓物理志士起長歎

長歎亦何益苑枯隨所逢自昔山上苗蔭此澗底  
松正平塚間哭伯鸞廡下春今古何如貉大道本  
梁溪詩鈔卷四十八

二

猶龍東臯寄嘯傲北窗便疎慵卓哉陶彭澤可仕  
亦可農

茱萸滿山麓引我上崔嵬風高天氣肅霜降秋霧  
開汪汪震澤湖山川洵佳哉風淳讓王至地僻梁  
鴻來西眺延陵墓東望吳王臺欲招雲林魂五湖  
共徘徊如何清閤閣倏忽成蒿萊俯首軟紅中令  
我心繁哀

昔我遠行役曾出居庸口關中野菊黃節氣近重  
九塞外萬木彫雪片大如手痛念我先人耆年縉  
墨綬衝寒沙漠場茹蘖撫黔首一朝梁木頽康身

贖已後神傷精亦銷命蹇數不偶漢落遂至今寸  
心亦何有遺書不能讀空效挈瓶守秋深暮艸枯  
忍薦延年酒  
吾生亦有涯人事復難料刻鵠竟無成畫虎空爲  
笑之子天一方登高試平眺歲歎哀鴻征風厲蒼  
鷹嘯道里阻且長敝裘矧寒峭抱香枝上枯殘菊  
應同調

菊殘根不傷越歲還成菊代謝無已時榮枯相倚  
伏人生忽如寄逝者永不復江湖萬古流日月雙  
丸速誰能聽晨雞鬱鬱幽居獨

梁溪詩鈔

卷四十八

三

幽居竟何事風月空自嘉荒圃半畝餘蒔菜亦種  
花晨摘菊頭露暮看天邊霞野草不知名紅紫紛  
交加呼兒飲我酒有鳥鳴啞啞造物無盡藏任取  
不汝瑕

酒亦不能醉花亦不獨娛童冠三五人挾策來座  
隅口授天人策手演義文圖  
盛世重經術貯用  
待所須有道貧且賤慎勿類我愚

籬荳花和鮑若洲韻

數尺柔籬繞槿籬翳然翠幄互紛披低垂未礙承  
蜩叟薄採應教覓栗兒促織聲中花似雪曲蛇影



裏莢盈枝先生賦物添秋興老圃風情幼婦詞

夜過揚州

蕪城州郭夜迢迢柳暗雲深鎖寂寥一路雨絲風  
片裡猶聞商女學吹簫

過露筋祠

秦郵路上露筋祠鎮日靈風捲畫旗能使千秋完  
節在卽令見骨亦何辭

高秀才樂志

字寶川諸生入北雍連試京兆不售鬱鬱  
以歸尋卒寶川詞人鵬鶴之子也鵬翎工

梁溪詩鈔

卷四十八

四

於詞好綜博注當代名家詞稿遊蜀出入

夔峽間於杜詩註多所考証著有聽猿詞

一卷寶川少聰穎未冠遊于庠與邵星城

蔡懷峯輩爭以詩鳴數奇不偶牢落終焉

可慨矣

葡萄長歌

螿龍脫骨驪珠拋瓊枝璧月結綺寮云是異種出

西域獻同天馬來中朝治架升棚匪朝夕垂紫垂

青復垂白別有奇珍世所希佳名瓊瑣如椒碩茂

苑櫻桃未足誇上靈盧橘豈能加繁星散布水晶

題馬乳龍鬚自漢槎纓絡盤胸翻倒影醜醜灌頂  
應深省牽聯女子玉纖纖照映水盤星耿耿楓亭  
會識宋家香好事爭傳十八娘洵林不熟三無半  
歲遇風灾酒不良明時詎想涼州博細雨輕颺吹  
落索石氏樓臺羅綺消楊家車馬珠鈿落兀坐幽  
窗十二時孟端筆妙畫兼詩如如靜悟生瓊液乙  
乙翻疑貫縹絲忽送勻圓陳几案指拈目玩欣難  
按取探懷中殘錦段畏之勿使光零亂

思青縣聽李使君彈箏

入音繁會何明明蒙恬乃復爲秦箏封侯未必盡

梁溪詩鈔

卷四十八

五

虎項義甲却送玻璃聲高堂今日良宴會樹攪離  
思花冥冥使君託興捲袖起撫箏爲作秋風行銀  
甲入指下按節置身天際風雲生三更夜靜聽鳴  
雁五更百轉聞流鶯颯如秋颺送蕭瑟黯如桑陌  
攄淒清激昂變徵白日晚蕭蕭易水悲荆卿金戈  
鐵馬意慷慨花奴羯鼓四座驚

座有擊鼓者

使君何不

彈琵琶江洲淚濕青衫青使君胡不搦長笛黃公

酒壚空復情清商流轉十三柱欲將斷絕而復縈

大雅揚音試絕藝落花飛絮城東亭願將野水添

兕觥一彈再鼓歌鹿鳴



九峯雲散日華清  
塔下泉聲似玉聲  
匡坐石牀無一事  
時呼童子理茶鐺

張士舍躍淵

字鯉門國子生好學親師嘗從余族伯海

小年與門先生遊旣而從余遊足三踏省門薦不

進良外售鬱鬱成疾而歿著有二絃吟艸詩

月歌

李白一去無仙才青天有月空自來我今持杯問

明月廣寒宮闕何時開東海高生太輕脫中宵蛻

梁溪詩鈔卷四十八

六

身排玉闥雙童指點謁西華空色蒼蒼雲盡撥羿

妻靈藥不復偷歸來兩腋風颼颼一朝丹就控元

鶴下視九州頻掉頭西河吳郎定長在斫桂力窮

誰與代人言有過帝謫之操斧千秋安足悔閔子

小子麋鹿姿三元罪簿月應知盤桓望夜四百五

陰晴冷暖更相欺新受仙翁書半卷直道元珠洗

方顯華池料取珊瑚波滴滴蓮花露長滋世上麴

蘖撐別腸劉伶阮籍不計觴醉遺萬事醒故雨爭

看賤買白雲鄉猶記瓊臺捧瑤席金枝滿吸清涼

液紅塵見月心茫然踟躕顧影飛無翻誰家弄笛

復吹簫故翻苦調迎商飈一聲禿盡萬楓樹虛庭  
寒葉紛喧囂側弁尋看月中兔雪耳霜豪真可妬  
雲英豈解舞霓裳杵臼竟歸藍橋姬藍橋杵臼自  
相應何必秦臺學鳳鳴不知當夕誰媒妁素娥親  
爲調鸞笙事徃情存那可道但覺紅顏暗中老機  
錦年年織不成關山處處愁難掃此夜蟾蜍開碧  
瞳夜久漸落烟霧蒙高歌未終忽不待繁星歷歷  
天西東

學陶公飲酒

秋氣日向佳馥馥桂之樹宿酒旣以盡水頭醞清  
梁溪詩鈔卷四十八  
七  
露飲徒但能來無問新與故醉醒任偃仰無問早  
與暮我歌客擊節無問諧與誤一歌復一酌行雲  
散還聚且殫一時意千載何所慕

庭草作花有感

中庭無嘉植青碧翳芳草秋至花亂開翠色亦自  
好對之三嘆息此物良有道旣不藉漑灌復無採  
摘擾無名且無種生意可常保

雜興

山頭唱罷採薪歌欲著金巾渡絳河潮上海門初  
日湧花開礪戶亂霞多六鰲無復歸墟返獨雀偏



從華表過借問霸城銅鑄狄曾經葡子幾摩挲

大水用煎容積不當平額畫工昔世單  
水漲桃花勢未闌連朝梅雨更瀟漫流萍自解銜  
高岸驚鳥相呼避急湍望望桑田都變海陰陰黍  
谷乍迴寒年來旱潦尋常事祇覺浮生住世難

詠桃花源

深山幸自少風塵多事桃花誤引人東舍鷄肥聊  
作主西家酒熟任留賓初聞魏後今爲晉復道漢  
前方是秦五百年來如一日此中何異上皇民

獨釣

梁溪詩鈔

卷四十八

八

無事投竿坐小磯却憐雙燕遶身飛鱗鱗斜日菰  
蘆水葉葉春風薜荔衣絲短絲長隨處是魚吞魚  
吐得時非任家公子今何在我也徘徊暮未歸

春望

春原一望思無窮草色如烟處處同高樹葉齊羣  
鳥下平湖水滿各溪通亦知碧落階難上若問滄  
洲路自東聞道仙人八百輩浮沉總在五陵中

昭君怨

胡沙漸覺損顏容悔不當年賂畫工背却單于看  
漢月恩光如在未央宮

秦處士玉堂

字蘭蓀號佩芬嘗遊齊魯間著有學製草

讀也云詩稿

并序

也云詩稿余先外祖詩稿也外祖張諱鉞號式

南少負異才以氣節自矜壯遊京師將以展素

抱忽瞽於目憤懣以老著有也云詩稿先君子

爲校正付蘭蓀藏焉

不似說難篇豈類離騷賦莊周非其儔老聃非所

慕一本風人情說與時人悟籟瓢存真味書卷傳

雅度格物自致知夫道若大路秋興四十章咏物

梁溪詩鈔

卷四十八

九

以百數匣劔寶光騰囊錐鋒穎露鼓吹藝林中羣

英齊却步遇窮詩益工斯言非謬誤所遇夫如何

不忍言其故

月夜懷東湄張二

東湄戊  
福建

碧空雲淨送新涼金井梧桐報素商子固無詩才

自美正不能賦怨何長嶺猿徹曉啼江畔旅雁衝

寒過野塘爲問三山今夜月故人曾否憶家鄉

櫻桃爛熟滴階紅呈馮明經

昨夜東風小玉家含桃粒粒暈牕紗青苔時看胭

脂而白石齋聞紅荳花園寢薦餘凝墜露山禽銜



處帶殘霞可知江上承恩後自吐丹心映日華

輓壽張令沈公殉節

并序

公諱齊義浙江人乾隆甲午八月逆匪王倫劫

壽張公先埋其印坐堂罵賊賊曰公固廉吏不

可辱但順則生罵益痛遂遇害賊投公屍于井

又公次女二姑在浙聞信慟哭投繯死賊平

詔贈公兵備道入昭忠祠蔭子一並旌二姑公長

子名麒次名麟承蔭時長公又讓次公

醜陋何知廉吏尊孤臣嚙齒報君恩丹心碧化

寒泉潔故印光沉夜雨昏田樹枝頭同穎秀曹碑

梁溪詩鈔

卷四十八

十

江上比芳魂東山浙水遙相望千古昭忠義烈存

王上舍相英

字鶴亭號淙雲國子生晉川先生仲子余

長女婿也性穎敏倣儻不羈工詩詞善書

而獨不喜作時藝亦終身不應有司試飢

驅南北迄無所成客死於粵之潮州年四

十一著有雲中草關中草珠江草

雪後

暝色起亭臯微陽上林薄開門寒氣侵凍雪松間

落風竹搖玲瓏輕冰翳寒蘤啁啾矮屋檐日暮聚

飢雀蕭然守一編幽棲甘寂莫黃昏返空齋挑燈  
坐高閣硯寒水屢煖爐清香更爚幸免塵鞅羈得  
此歲首樂清境固愜心客子悲漂泊

雪霽見月

寒宵廣庭寂屋角月娟娟遙山墮冷翠叢竹生淡  
烟冥冥羣動息澄澄夜色鮮平生耽靜趣每與清  
境緣茶甌澹忘寐會意寧須禪無言坐超忽此心  
常湛然

八月十二夜登環山亭作

在平涼  
郡署後

高風捲雲雨洗空冰輪湧出天當中共言今夜月

梁溪詩鈔

卷四十八

十一

未滿控弦早掛天山弓環山亭高瞰巖峯萬籟不  
起澄心胷參差樓閣墮烟霧但覺一氣青濛濛羣  
山如屏四圍合西望獨見崆峒峯軒轅旣去渺何  
許猶有元鶴巢寒松如今洞口杳無跡洞中自響  
鏗鳴鐘我欲踞坐素鸞背青冥上下隨飛龍俯視  
城郭皆倒影微茫莫辨青瑤宮舉杯自笑語同輩  
揮手恍若淡烟虹持斧却月中桂肺腑雅與清  
輝同呼童淪茗潤詩吻更携玉笛驚頑聾若然長  
嘯振林木呼吸想像天門通遊戲八極拓襟抱塵  
世擾擾如遊螻百年幾見月圓缺耳畔切切啼寒



螢三更露下且歸卧回頭碧樹窺玲瓏

偶憶

西神人家晝掩關遊絲墮地花斑斑松泉活火試  
新茗坐聽好鳥啼春山

酒醒天寒又一時湘烟楚雨最相思辛夷花落閒  
門巷若問行人那得知風流五合關

玉蘭餅四首

存三

花剪明霞麥剪雲竹厨藤餽益清芬香沾玉屑千  
層裏色綻瓊肌十字文風物宜時招楚客芳華人  
錄采桐君從知野外饒供給不是幽棲未遣聞

梁溪詩鈔

卷四十八

七

沃膏煎黍八珍須和入瓊麩風味殊儉腹未嘗綾  
餅餠前身合並玉盤盃長疑畫史工調粉肯許厨  
孃學點酥從此花稍珍雪蕊不將鶯鳴報蒸壺  
朝披夕振總瑤華好事登盤屬內家製就玉函藏  
寶靨規來明月伴青霞風流正合關裯席脆美何  
須刺齒牙敢笑道人寒儉甚只和殘雪嚼梅花

秋月篇

存三

秋空萬里無纖塵雲間皎皎懸水輪玉階涼影移  
歌席綺戶清輝照舞裯月波溶漾花林徧幾家對  
月開瓊宴雲母屏前白似霜水精簾外明如練簾

捲屏開星宿稀。疎螢點點坐人衣。何處月中調錦瑟，誰人月下撫金徽。金徽錦瑟長門奏，曲終露下沾羅袖。玳瑁牀空翠黛愁，茱萸帶緩纖腰瘦。亦有秦川竇氏妻，傷心皓月冷鴛鴦。金井蕭條秋葉響，銀河清淺夜烏啼。烏啼葉落悲今夕，空房獨宿離憂積。征衣幾載斷陰山，錦字何年寄龍磧。龍磧營空刁斗寒，朔風吹月度雲端。玉關見月悲懷起，紫塞傷秋旅鬢殘。關塞淒涼歲將暮，三五團圓愧蟾兔。盈盈但照別離心，望望偏迷故鄉路。迢遞鄉園何處邊，月中惆悵枕戈眠。烽火年年驚絕域，夢魂

梁溪詩鈔

卷四十八

三

夜夜到南天。南天桂魄凌清漢，散入楓林影零亂。烟消乍吐碧山頭，更殘還落秋江畔。江畔今宵羈客舟，娟娟明月動離愁。寒塘露冷芙蓉老，淺渚霜清蘆荻秋。蕭蕭蘆荻飛花白，日帶烟波漾寒色。雁影秋傳繡閣書，砧聲夜雜朱樓篴。幾處朱樓傍水濱，閨人望月淚沾巾。相思願託嬋娟影，流照天涯漂泊人。

外舅響泉先生招同篔簹谷斧仙梧陽蓮趺勤  
秦隴昔從游，論詩授宗旨。膏沃耀斯遠，基狹高則



圯欲命千秋業操觚詎率爾枕藉書城中菁英淡  
肌髓駕馭須以才勢如俾就理緯之以深情讀者  
味無已無然昧遠到邊幅修自喜江海覽渟深允  
矣難爲水稽首銘誨言勉勉遵所指于今逾十年  
無成負知已載誦響泉集典型欣在邇翩然賦歸  
來抱道儼栗里九峯二泉間時復隨杖履消寒赴  
佳招際此風物美言尋真仙蹟丹井湛清泚飛觴  
碧闌前連袂蒼松底綵筆灑芳潤吾服吳季子谷  
雕鏤殫物態遺誤訂往史阿兄梧擅清吟頗熟文  
選理弘農夙多才騷苑蔚雲起入各樹一幟簣  
蓮谷

梁溪詩鈔

卷四十八

古

勤補恍入五都市先生師造化足式後學軌雷霆與

筆力動魄駭俶詭萬象湧毫端莫測起與止此境  
遠者鮮未易輕舉似證以前所聞今吾無一是墨  
瀾盪吾冒頑意亦萌蕊未光倘可希傑製絕規擬  
天險由來設經營壯思多關門臨赤水城影入黃  
河一道水霜合千峯劍戟羅定知森氣象飛鳥不  
能過

控扼連蒲陸形危接武關地雄豐鎬舊事感漢唐  
還鼙鼓今長息風煙晝總閒唯憑來往客驛馬日

班班

前和杜少司寇二首

曲江偏愛少陵詩  
韋杜依然似舊時  
風暖一城吹柳絮  
春深十里倚花枝  
別尋古寺穿幽徑  
閒伴山公醉習池  
行樂恰逢春雨後  
玉驄嘶去好相隨  
絃管開元事總非  
江亭風景認依稀  
啼鶯無賴催紅雨  
流水多情濕翠微  
尺五晴曛天畔路  
十千香趁酒邊旗  
夕陽影裏金鞭緩  
芳草江南共憶歸

春分秋雁

春分秋社半年程  
隴水刀環日夜聲  
書抱秦川三

梁溪詩鈔

卷四十八

五

尺錦柱移中婦士  
絃箏啼殘曉月紛紛  
白飛近天河  
個個明爲報故人  
情斷續鄉心  
題徧總難平

圖總兵

有序

乾隆辛丑三月逆回蘇  
四十三作亂衆六千人  
陷河州直撲蘭州環攻  
六晝夜城幾陷固原鎮  
總兵圖欽保以步騎四  
百七十救至圍解逆回  
退據華林山大軍至與  
戰不利圖欽保力救死  
之四百七十人皆沒我  
朝滿洲將士超越前古  
如圖公者豈非忠義智  
勇足備者哉余時在陝  
西尚方伯幕中聞警偕  
尚公馳赴助軍餉



且觀戰感其事爲歌詩以記之

撒拉逆回圍金城凡六晝夜城將領誰爲解圍圖  
總兵圖總兵軍至猪嘴營白日僵臥不肯起謂言  
大兵躡至如雷霆寔有親兵四百餘夜發百人爲  
先聲百人繼之鼓三下百人繼之天將明一夜三  
起金鼓齊鳴逆回膽破總兵徐行總兵僅領百餘  
騎直抵城下如流星逆回退據華林山總兵列營  
在城下賊衆劫寨營無人總兵射人先射馬殲賊  
凡幾彼衆我寡平明賊益衆總兵獨閒雅先領三  
十騎山頭俯平野步卒四百餘勢若長蛇者賊衆

梁溪詩鈔

卷四十八

六

向撲陣右旋繞出賊後揮戈鉞殺賊三百戰且走  
賊人大呼躡我後我兵埋伏夾山口發炮斃賊據  
險守振旅而還酌大斗酌大斗歌鳴鳴臯蘭夜風  
啼白鳥泣數行下壯士呼賊衆不敢出土卒且休  
息請纓殿上來終童趣出蹊底欲仰攻賊勢湧出  
如攢蓬圖總兵疎身絕壁如秋鷹徑撲賊營賊反  
顧歸鴉護巢抵死爭圖總兵兵少援絕烏能生鳴  
呼圖總兵雖然兵少援絕繼以死大兵全師寔由  
此朝廷聞之蔭其子圖總兵本是羽林軍四百  
騎擊六千賊殺一身全五千人古來名將孰比倫

家世將種勇畧世所傳長兄死緬甸次兄死金川  
總兵來鎮蕭關道道路人知圖欽保麾下四百七  
十人亦如齊之壯士死海島鼓山燧雨晝冥具

蓮子雙尊酒數巡紅氈風弄藕絲新劇憐四座笙  
歌裏也着欵寄可笑人前  
一秋客裏都無事冷淡心情只苦吟禪榻茶烟人  
醉後漫裁新調和繁欵

客懷十六首 并序

作客青門行及二載旅窻枯坐默數平生漫成

梁溪詩鈔

卷四十八

十七

十六首若謂勞者多思貧者多怨亦或然或不  
然也

尺五城南想薊州青衫挾策舊曾遊無端聞樂還  
西笑忽爾看雲動北愁鶯轉上林方媿姪柳眠沙  
道正風流誰知漠漠江南路也有春光在陌頭  
採珠拾翠何年夢有約分明在始青春女花間頻  
悵望美人天外自娉婷依稀上下臨水語髣髴參  
差看井星懷舊感時成一笑遠山微雨晝冥冥

肯爲衰顏泥壯夫頻年浮梗信窮途客心去住雲  
南北塵鏡功名意有無花解留人供笑詠天將許



我占江湖歸來得暑烟波長不礙飛鳴引二雛  
濕雲籠樹影微微客路輕寒雨欲飛四海人誰憐  
短褐三更我自臥牛衣梅開野圃春仍瘦鶴唳平  
田晚帶飢物理細尋何計得只應歸掃舊漁磯

關心珠桂思千里故里交遊憶二楊

永叔  
荅裳

歸夢正

尋鷄黍局春情先到水雲鄉桃花繞屋千株火柳  
色分堤一帶黃記得諸君沉醉處滿山樓閣臥天

香

天意

歸

入

香

天

意

歸

首夏恢台又一時槐陰抽綠最高枝短長晝夜愁  
人覺冷暖風光病客知堦下閒銘埋筆塚牀頭新

梁溪詩鈔

卷四十八

六

譜送春詩憑誰笑我耽踈放已分君房是素癡  
永日無心更出遊坐看風景祇生愁花心開謝何  
關鳩天意陰晴欲問鳩重碧千章成遠蓋浮雲一  
片失高樓流光變幻都如夢何物車前是八騶  
旅窻岑寂似深村誰打三更月下門學士送來書  
一帙美人攜得酒盈尊哦詩不覺燈花炮把酒時  
捫坐石温此地有人傳好事來朝便作畫圖論

時序推遷有是非閒思往事怨春歸那禁素手親  
團扇頓使渾身厭熟衣自問游蹤真欲笑試看塵  
世擬何依平生知己嚴公在一片初心總不違

自從飛鞚到人寰苦憶芙蓉水一灣客舍新涼來  
好雨秋牀昨夜夢青山藕花風繞池西面桐樹陰  
輪屋半間更有東隣垂白叟來言玉桂待同攀  
旅人何用計窮通鎮日蕭然對碧空桐子細沾紅  
葉雨爐烟輕颺白蘋風詩情斟酌兼濃淡酒戶評  
量在下中倘得一杯時到手長歌還擬向江東  
賃得齋居一畝寬紙窗緜几稱儒酸人間禮數踈  
難學俗下文章懶不看決踵舊穿蒲子履蒙頭新  
綻竹皮冠西風須念無衣客莫便颺颺頓作寒

又見槐花滿地黃縑塵白袷困風霜偶然作客閒

梁溪詩鈔

卷四十八

十九

經歲能得持杯醉幾場愛我或言差不俗憑人相  
笑是佯狂豈知雲白山青路細語年年黯自傷

粉郎才子今誰是海內風流數莫君小廬十日清尊

和我醉一天涼月與秋分詞翻珠貫會題扇墨弄

銀鈎試舞裙記否青門同聽雨半牀書卷半牀雲

有客新搓鳳嶺春早來招我倦游人未能痛飲慙

名士敢學狂歌位上賓蘭葉三分量舊帶桐花滿

地卧秋茵君看可是風流伴莫遣雙鬢笑角巾

也會江左數名流酒地吟塲逐俊遊紅袖分牋隨

手擘彩盤徵令任人偷問思往事添三費暗數平



生過四愁慚愧仲宣頻去國不知何處更登樓

三歲不相見相思并一秋  
蒙籠青桂樹明月在西頭  
酒向金波乞琴思玉軫抽  
寄書知已達展看更

添愁

往事

往事濛濛飛絮柳離情  
裊裊罨絲荷碧雲千里美  
人遠如此瓊瑤繡段何  
一字闌干的的水晶簾影  
小窗紗依稀記得迴  
環路碧嶂紅泉第五家

梁溪詩鈔

卷四十八

三

王明經樾

字蔭南號櫬門選貢生晉川先生季子淙  
雲弟也櫬門性聰穎才堪肆應庚子甲辰  
兩應

召試列二等選拔入京

朝考亦二等飢驅南北年三十八卒於湖南  
撫署中

旅館

浮世三湘三峽生涯一壑一邱不見風雲入夢空

嗟日月如流

地僻都無俗韻人閒但有清渠鳥語日長日短華  
開春淺春深  
謾謾松風鶴舞陰陰柳月鷄鳴痛飲參辰下合高  
歌涇渭俱清  
夢到巫山欲雨淚添湘水無言一賦承塵鵬鳥三  
聲上峽清猿

友人以詩致杜鵑花荅謝

淪落多年意氣微因君羽翼會芳菲寄來靈樹枝  
枝血一見欲啼還欲飛

侯秀才鳳芝

梁溪詩鈔卷四十八

三

字冠芳諸生少卽工詩嘗遊粵著有四雨  
軒詩草嶺南遊草年三十四卒于閩

題惠山文昌宮

鑿翠開靈宮低牆補山缺下有流泉深澹然靜而  
潔入山不見山探奇在一室高閣忽登臨檻外峯  
翠帆叢桂生石間根與石爲一境寂無人聲遙望  
雲一抹悵然憶先人手痕在石碣

羅漢泉額係  
先曾祖所書

樓

樓在亂峯巔嗟呀互相拄山近不覺青惟見石色

古瀑布循階飛微雲半牆吐一瓢欲汲泉且向竹



中煮

管社山莊

小園傍山麓山勢恍如削遊人行屢迷奇石互參  
錯孤藤嵌陰崖崖斷石不落分茵坐其巔遠望烟  
漠漠

尚友堂

在管社

精舍五湖邊堂前聳絕壁徐步隨澗曲一洞杳然  
黑陰氣森逼人前歲雪猶積側身穿峽罅嵐重無  
日色路窮漸有光洞口亂峯塞落葉寂無聲足音  
響山石登高瞰波光何處漁舟笛

梁溪詩鈔

卷四十八

三

澹寧館

在管社

高閣何清幽湖光在簷角蕭蕭葉響堦俯視千尺  
竹閒雲出湖邊一半抱山足碎石落空樹樹包石  
爲腹時聞落子聲剗峯作碁局長嘯臨碧空斜陽  
去何速

太湖遇風

水勢何浩浩大風起震澤濤湧欲斷岸湍流碎日  
色連山束兩旁橫波不能溢萬古蕩其崖土盡見  
山骨回思發棹初湖面波光碧歸舟未移時濤頭  
已千尺心自輕江潭身已苦反側歸來卧匡牀猶

似風湍激

輓世叔劉壇武

古人豈本李膺對

華善篆書

人病苦不生君病苦不死清貧士所甘君獨至於  
此憶昔晤君時談笑喜吟詩吟詩猶未畢悲來忽  
成泣泣已時復吟風月皆凄切回首顧兩兒託友  
殊依依豈知榻前跪神已忽成癡君疾不肖食子  
膠山長跪勸之  
卒不食遂載誦挽兒作追隨喜不遲  
久相隨之語  
成癡病而今應聚首深慰長相思

輓劉孝子膠山

父死愧獨生父餓愧獨食一死猶依父還傍殯官

梁溪詩鈔

卷四十八

三

側壇武卒後君自  
縊于殯室之柱

憶君侍疾始長跪泣不起意欲

勸父餐誰料竟如此枯樹留新枝折樹亦悲滅

性父所痛情迫誰復思自縊氣竟絕慈母聲嗚咽

明知傷母心不忍與父別所嗟地下隨奉養亦終

缺

題華半江小照

只昔楚田回首顧兩泉詩文  
深幾不實全

峭崖立江邊嶄絕因水激波濤入筆底字骨與人

瘦

圖中多  
畫江景

結想洪濛初元氣鬱蒼秀兀坐長松下

翠色滿襟袖渺然追古人豈在李潮後

華善篆書

登城野望



天高覺鳥低草枯平野澗日落氣空濛兩山渾爲  
一閒雲渡溪來人近忽已失  
黃公澗

一水劃兩山澗狹水愈壯亂石遏其流石碎浮作  
浪下歸小池深千尺雷聲放何時居此山挾土洗  
青嶂

題石門白鶴道院

三面聳奇峯缺處危樓補窗對石門開牆連岫色  
古澗水流不息洗淨山無土堦前一片雲散作四  
山雨

梁溪詩鈔卷四十八

十四

過天柱灘

半日過一山半日過一石石激驚波飛軒窗驟雨  
滴一灘分數道曲折逕逾窄帆穿細雨中舟行亂  
峯隙惶恐未覺危茲灘險無敵

寄紉湘弟

食攬神味清初嘗乃苦澀良言亦如之追思始知  
益君少負奇材剛正具特識時時箴余過爭論面  
發赤事過仍怡然胸中了無迹嗟余今遠遊誰復  
施藥石君才似芙蓉耀日彌增色君性似梧桐寸  
枝自孤直我初本少言君喜盡胸臆我倦君尚談

君語我時默誰知一別後欲言苦無客惟當勤寄書彼此慰岑寂

吳山正德遊圖小照

輕雲遙擁吳山足惟見山頭數峯綠行人傍山無處登且撥重雲上林麓初登尚覺山勢平轉入山背峯縱橫孤亭遠會四山色一水分作數澗聲峭崖陡絕疑無路孤松倒卧作橋度何年大石從空墜雙峯突兀擎石住高山無臺岩作臺西湖若帶江疑杯上有大觀臺回望山腰雲忽霽歸途歷歷嵐無際

梁溪詩鈔

卷四十八

五

花山

合抱高松不知數一逕蒼然夾山路行人入山不見山但覺滴翠如烟霧鳥聲如欲喚人來澗水惟聞送客去茲山勢類蓮花含擘開花底留孤龕閒塔已見踏蒼蘚淨榻忽欲浮青嵐禪房初盡聳絕壁一石絕磴五十級上有寒洞深難尋裂開一罅

光猶黑

題秋江夢遊圖小照

江波未醒南朝夢君復神遊遠風送放舟天際還嘯歌濤聲欲撼山傾洞披圖滿目烟霞護空江憶



得曾遊處幾回泛棹訪秦淮蘆花飛遍橫江渡潮  
去潮來春夢殘孤帆怕拂金焦樹豈如夢裡渾忘  
機盪胸雲海秋江暮覺來世事空復空夢境已逐  
江流東新圖何必留幻迹相與變滅虛無中

蘇山舟上十八灘

南嶺諸山皆聚族綿延不斷氣相續忽然天上來  
奔濤界破千山萬山綠兩岸峯多石爲底中流浪  
湧奇石矗前灘遙望路若窮輕舟轉出高山腹長  
風不盡送孤帆舟行十里幾回曲夜來風靜灘流  
平終夜喧聲夢頻覺

梁溪詩鈔

卷四十八

三

萬安南去客心驚兩崖日夜聞灘聲灘聲直下溯  
流上孤舟欲與亂石爭石潛水底時出沒白浪無  
邊一點黑有時衆石波面矗劃破滄流勢相激濤  
頭石角了不分磋磨一線舟行疾茲灘自古稱惶  
恐我今一到心胸豁綠樹還添紅樹烟近山恰補  
遙山隙蘇公已去白雲深惟有佳句流高岑

寄心齋仲兄

昔君寄跡章江東歸期每歲乘殘冬新詩見示不  
知數行墨疑有烟霞烘自愧家居少著述對此不  
覺愁吳儂榻來遊粵潮江水金焦矗立雙芙蓉十

八灘頭水聲急筠門嶺上雲千重心空自覺了無  
物惟有天地清氣留吾胸與酣落筆不自主如水  
破浪山成峯好鳥當春自成韻名花得雨自露紅  
無心覓句隨意得但與蒼烟落日相冥濛方知當  
年詩卷亦如此筆妙未必皆人工江山得助有張  
說山水奇氣自史公至文是自在天地得之無迹  
尋無踪每愁力薄苦難到導余先路能相從一南  
一北音書絕唯有魂夢猶堪通

平遠道中

兩山夾一澗木杪架飛橋山勢因嵐變林烟得雨

梁溪詩鈔

卷四十八

五

消夢殘猶可續景好轉難描一路肩輿上輕雲處  
處飄

樟樹鎮作

百里皆樟樹濃陰遶一村諸山翠嶂合兩岸白雲  
昏鷺立沙無迹舟行水有痕陽明駐兵地此日散  
鷄豚

過吉水

山近嵐光綠低迷草色濃有時連翠靄不盡復長  
松惟見人行迹難尋雲去蹤歐公生長地水月夜

溶溶



揭陽城秋望

遠郭清江外孤城秋氣中路侵衰草白影入晚霞  
紅海色來天地濤聲挾兩風故鄉不可見東望但  
空濛

題榕城書院寓

亭外盡芙蓉花光帶曙濃潮來池亦滿嵐重石疑  
封拂檻多修竹循牆出古松無人爲唱和寂寞是  
吳儂

登揭陽城

榕江抱城潤江外萬重山雲霧浮三島烟花麗百  
梁溪詩鈔卷四十八

三

蠻寒潮平復滿飛鳥去仍還天水難分處蒼茫是  
海關

題秦震宇精舍

門對洪湖闢連山望不開豈知峯缺處一片水光  
來偶與浮雲出時隨飛鳥回幾人屐齒到堦石滿  
青苔

春晚題塔影莊

一榻蕙干叢人眠花氣中夢寒非自雨香遠不禁  
風曲澗拖平碧深林滿落紅幾聲清磬響惟覺客

心空

題大樹園精舍

淨綠浸人心  
牕前古木深  
山容含雨氣  
客語雜禽音  
偶爾穿巖際  
誰知到水潄  
出門回首望  
暝色滿空林

山中梅

梅花香不覺  
恰在靜中聞  
夢外餘清影  
牕前滿白雲

華藏山

山色半天青  
入山忽已失  
惟見水中山  
蒼潤嵐可悅

悅

梁溪詩鈔 卷四十八

无

雨中遊西湖

湖痕欲入天  
有山劃其界  
雲起失諸峯  
碧落不在外

外

歸舟

西風蕭颯覺衣單  
萬里空江欲渡難  
帆影自隨歸夢轉  
山容不爲客愁寒  
南朝古寺秋先到  
北固遙鐘夜未殘  
獨有秦淮一片月  
相從直至五湖干

再得草廬種竹

得心字

牕前烟雨聽龍吟  
好竹新栽翠色侵  
習靜忽驚殘暑退  
讀書還護綠陰深  
蕭疎寒影三更月  
回薄秋



聲萬古心待得南牆千挺後幽篁更許坐彈琴

聞仲兄已到南昌

百花洲畔大江濱不盡雲霞寄一身高閣自收三

楚雨平湖猶夢六橋春

花洲頗似西湖  
兄會遊浙故云

淒淒芳草

懷鄉切渺渺長波弔古頻絳帳從今多樂事秋風

乍起便思葺

寄懷秦震宇

心已隨君到廣州那堪二載尚淹留靜中天地來

清氣夢外江山入素秋不盡浮雲看世事無邊明

月帶離愁何時一棹沿流水遙數歸程過嶺頭

梁溪詩鈔

卷四十八

三

步月訪何翰田寓舍

烟霄清迥欲無河散步誰爲唱踏歌詩興已如微

月淡鄉思爭似亂雲多築沙曲岸疑成石積水空

庭未起波

東坡謂月色  
如積水空庭

今日柴門聞剝啄推敲一

字問如何

海潮日日到清渠共逐長流訪客廬形影三人非

白也風流七子溯黃初落花幾徧壺中地映水何

殊鏡裏居塵世勳名都是幻江山風景未爲虛

和徐鏡江夜雨原韻

榕城偶借一椽居夜雨垂簾賦子虛窗擁濕雲迷

蔣徑簷飛瀑布擬匡廬筆花恰照燈前夢屋漏還  
疑醉後書爲問離愁能幾許楚騷無那似三閩

閱先伯兄所寄仲兄手書感而有作只此最

手書寄遠意蕭騷家計艱辛莫代勞弱草自依松

栢蔭不知霜雪下平臯

書中傳述  
家計之艱

一室無人恨別離不堪除夕漏聲遲而今寂寞嗟

誰語惟有涼風動素幃

書中有除夕  
淒涼之歎

湖上別心齋

時兄留浙  
而余歸家

兩岸樓臺處處簫離人惆悵欲歸橈別君兼別西

湖水夜宿楓橋夢段橋

梁溪詩鈔卷四十八

三

遊展同登山萬盤一朝分手宿湖干歸舟仍自來

時路流水無情月色寒

村秀才士桂

字蔭蟾諸生雲川太史之元孫也美秀而

文年二十四卒

避暑和王和仲世叔

避暑僧樓上高窗四面開長天看鳥盡終日少人

來山斷虹邊雨花蒸水底雷求仙何必遠只此是

蓬萊

陳秀才顯



字叶雲諸生居邑之美蓉塘橋少小工詩  
著有叶雲詩草年二十二卒

春暮述懷

縣試作限七律二首得春山二字

幾回花縣坐花茵披錦聯吟復此辰鵬翮有程終  
自到龍門無價定來真彩毫爭染金莖露綠酒齊  
拈竹葉春欲問桃源憑放棹乞將牛斗指迷津

綠鬢頻看鏡裡顏虛堂風物畫圖間春當三月花  
齊放技向千人句轉慳才士自居羣玉府高文合  
戴巨鰲山謝家池草殷勤覓可許丰標附笋班

昨夜

梁溪詩鈔

卷四十八

三

昨夜山香曲未終朝來雨雨又風風禪房盡日茶  
烟颺誰更拈來一笑中

仲冬十九日借韓景圖吳雲侍馬雲隄過賈  
雲裝齋中限韻同賦

爲訪聞仙家風前吟興賒雁寒雲覆重林窄月穿  
斜酒力勝蕉葉文心豔燭花探囊爭得句可許擅  
雕華

惠山竹枝詞十首

存八

軟風到處拂香塵好日遊山天氣新多謝河塘楊

柳樹繫儂畫舫過三春

綺塍街上笑相呼，寶塔親登不用扶。  
儂是雙情作，雙影跨來龍角。任他孤。

女伴嬉春第幾回，梵王宮殿好重來。  
寺門一逕燒

香入千葉蓮花開未開

若水洞口問仙家，絮絮才名豔齒牙。

癸巳春有錢塘女子絮絮

題壁十二紅欄偷倚遍，等閒看殺碧桃花。

清華水木不知愁，寄暢園亭接素秋。  
一種天香爭

愛惜，綵絲齊結桂花毬。

溪山佳處儘閒行，指點香雲一甕生。  
道是惠泉名

酒美，撩人風味不勝情。

梁溪詩鈔 卷四十八

三

纖手纏成手帕紅，餽親裹向春風攤。  
錢還買兒

童戲，山店移來不倒翁。

石門空說遲文莊

諺云若要石門開，只待邵寶來。

花落花開自在

香絕愛龍峯蓮九朶，何年飛上紫鴛鴦。

秋螢

爾亦飄零慣，年光惜逝流。  
燈殘吳苑雨，星落洞庭

秋明滅，虛今夕高低。颺舊愁，竹亭人遠，隔何處動

簾鉤

題美人楊柳畫扇次龔曉嵐韻

藕絲衫帶柳絲飄，少女風前舞細腰。  
添箇一雙春



燕影揜教一度一魂銷

春陰作

三春好夢滯江花雲影還垂一幙紗盼到庭前無  
箇伴綠楊枝上冷雙雅  
南樓送別馬雲隄

銷魂暮雨送殘秋况復樽前動別愁旅雁遠隨雲  
度塞一聲嘹唳落南樓

呈金時庭太守

古之賢太守實維儲相望歷試悉民情宅揆故無  
曠歷攷漢宋間此法良非妄英英名御史朝野夙

梁溪詩鈔

卷四十八

五

欽仰忽然治郡來霜飛挾清况下車首鋤好功烈  
一何壯吾觀扁鵲手治病先滌盪病去人自安元  
神日以旺問公胡乃然夙學天共諒關西凜四知  
清操足憑杖文官不愛錢義諦真無上孤標聳岷  
峩峩湖干揮青嶂

題鮑若洲先生畫柏

勁直梁棟才古柯撐尺幅筆底葉森森何當鸞鳳  
宿

五日

夾岸笙歌喧不住凌波羅襪鬪新妝小舸薄醉莒

蒲酒也逐飛鳧趁夕陽

落花

風風雨雨逼殘春  
寂寂園林不見人  
寄語揚州狂杜牧  
深紅幾許墮香塵

金谷繁華付曉霜  
馬嵬泥土剩空囊  
殷勤早進巴陵酒  
回首東風已斷腸

立秋前一日卽事

玉塵頻揮暑氣沉  
嘉瓜不待鎮虛心  
涼風先動騷人思  
團扇旋招班女吟  
北戶簾垂猶賸夢  
西樓雲起已成陰  
宵來懷抱清如水  
獨對銀灣理素琴

梁溪詩鈔

卷四十八

七

閒步

寂寞誰聯塵外蹤  
知心猶有兩三松  
寒雲遮斷尋詩處  
獨立蒼茫度晚鐘

春怨

不道勝常睡起遲  
羅衣猶被好風吹  
拗花折柳渾如夢  
那有心情問女夷

秋杪同人登錫山絕頂

湖山影裏共憑欄  
一片秋心萬里寒  
多少天風吹不盡  
蕭蕭落葉雁聲乾

王公孫壺



乳名松齡晉川先生之孫涼雲之長子余

外孫也齟齬有成人之度八歲其母燈下

課以唐詩誦數首即解吟咏與余孫籌策

輩倡和年十六殤徐聞齋嵩王公孫哀辭

幼而秀嫵嬛京京勺象日舞笙鶴雲行明

父吾友孕奇含辛靡志弗鬱靡言弗詳嗟

我西征會於青門嶺表驚耗江濤招魂森

森長谿蕭蕭破殿如麻攢匱狐魁畫見殯

宮草綠靈脾塵而於戲公孫爾趨九泉地

下有父終其爾憐哀痛吾兮翳弗如焉厥

母奚辜獨罹鞠凶夫征不復競是遺容探

穀於懷刺刃交胸霜杆輟韻月日停春恭

聞孀母勵子不夜沈沈登隕田田墻壞汗

血未騁雛鵬長鐵我作哀辭辭不可終牽

集鳳凰悲纏竹桐踰囑嗚嗚嗚涕泗丁躬

梁溪詩鈔卷四十八

美

避塵處雨後

雨過青草長竹窗含幽色傍舍綠溪平水漲忽盈

尺

同表兄鳳威麟祥步出綺塍街欲往惠山以

晚不果用夕陽西三字分韵符西字

哥哥行不得况復夕陽西簫鼓喧村社漁樵散野

蹊穿林防側帽藉草恐粘泥已是上燈候同分太

乙藜

和鳳威夕字韻

山光漸没白駒迹返照鱗鱗九龍脊早栖豈不愛

三春弱羽安能迅六翮梧桐變亦中綺紵蝴蝶夢  
應飄繡陌啟幃堂上正相呼月淡風微蘿徑夕

和麟祥陽字韻

試泉門外買年芳日暖生憎柳絮狂春水方生聲  
已動片雲不落影徧長前朝樓館湮荒草幾寺鐘  
魚送夕陽燕子歸來竟何語呢喃只是話尋常

雁

日照高飛影秋風響過雲低徊看雁字天上作奇  
文

大重陽舟中偶作

梁溪詩鈔

卷四十八

三

楓樹罨城東青山出茆屋雁叫不成行江涵秋影

綠

上元

燈月交光夜漏徐避塵人覺小窗虛若教太乙今  
宵過定把青藜照讀書

清明日和麟祥原韻二首

連宵急雨禁人烟不道江南有漏天塔下青青已  
如許杏花飛上七條絃

花暖飭簫綺陌香片雲含雨過橫塘沾衣欲濕兩

三點且讀風詩一二章



華秀才章煥

字漢倬諸生有條之孫貴州司馬春芳子  
弱冠遊庠贅於齊年二十而夭

暮春將遊山左雙燕來巢詩以留別

連朝紅雨滿江城結束琴書赴遠行燕子欲來人  
欲去可憐相對話離情

瓜州晚望

落日停孤棹蒼然夕照間潮迴官渡柳月出女墻  
山時序增遊思風塵換客顏懷人重回首應逐暮

雲還

梁溪詩鈔

卷四十八

三

揚州

重岡隱隱淡烟浮十里芳隄夜泛舟柔櫓一聲江  
月碧滿城絲竹是揚州

東平早發

車鐸頻催馬正酣雞聲初度古壕南殘燈旅店宵  
征苦小米官橋午飯甘離緒每隨塵漠漠客愁偏  
繫柳毵毵停輿回望經行處日出烟清雨後嵐

九日登高

天寒木落奈愁何把酒憑高一放歌紅葉堆中逢  
白雁青山缺處走黃河聽殘砧杵秋風冷日斷鄉

關落照多醉後茱萸休把玩故園回首隔烟波

張秋掛劍臺

延陵廟貌轉蒿蓬隴樹蕭蕭繫短篷雨滴空臺芳  
草碧苔封殘碣夕陽紅一杯共識徐君墓千載誰  
傳季子風三尺青萍懸墓木至今憑弔感深畏

受業侯 叔度 秀谷校

梁溪詩鈔卷四十八

梁溪詩鈔 卷四十八

三



梁溪詩鈔目錄卷之四十九

國朝乾隆十六

顧郡博敏恒 六十首

顧上舍敦愉 六十七首

以上二人

梁溪詩鈔

卷四十九 目錄



以上二人  
顧上舍敦愉 六十首  
顧郡博敏恒 六十首

國朝  
乾隆十六  
梁溪詩鈔目錄卷之四十九

梁溪詩鈔卷四十九

梁溪顧 光旭 華陽氏集

國朝

顧郡博敏恒

字立方號笠舫丁未進士雙溪兄長子善  
讀書能默識貫串六籍博覽羣書晏坐一  
室時自得也自知無吏才榜下請就教職  
授蘇州府學教授未三年卒於官年四十  
五著有笠舫詩草

春晚遣興

梁溪詩鈔

卷四十九

一

拙養倦人事始知吾道尊長卿未獻賦董傳間窺  
園隱几鶯喧樹鈎簾燕入門獨餘傷逝淚回首輒  
銷魂

遊滄浪亭弔蘇子美

滄浪亭下秋草深天光水色清人襟昔賢踪跡久  
寂寞繞地菱芡吹差參回廊曲折覽不極怪石夾  
路攢巖岑松篁鳴風自磨戛檐牙當晝常陰陰翳  
塵奔走此甃憩城市髣髴同山林宋初文章等蟬  
噪歐梅並起揚清音其時子美才最勁豪健磊落  
無古今洪鐘大呂必傳後愛惜隻字如璆琳衆皆



歎惋不並世謗讒底事相窺尋放懷暫得一醉飽  
翻被肉食嘲荒淫玉堂神仙本天上截身下墮塵  
埃侵苦陸顛顛雜蛙黽不令上和薰風琴潮州之  
韓柳州柳竄伏嶺海浮桂柳此邦風土頗清美退  
隱亦足抽朝簪天爲人地作之合江山有待公無  
心嗟予少小好詞賦公有遺翰令人欽精靈來往  
或睠此蘋花可薦公其歆

卽事

西山秋老翠微微榆柳蕭騷日漸稀明月滿空霜  
滿地不堪鴻雁更高飛

梁溪詩鈔

卷四十九

二

芙蓉花落練塘空瘦菊斑斕葉滿叢他日不栽閒  
草木也應無地着秋風

郊行

春陰如夢養花天二月韶光似少年行過野橋流  
水急一雙魚翠破輕烟

暮春

翛然吾亦愛吾廬暫得閒居以隱居睡鴨池塘波  
澹澹落花簾幙雨疎疎才非命敵思彈鋏病與貧  
兼且著書漢殿正需詞賦客莫將四壁笑相如

繚綾練練光如月翠羽金支互明滅捧出休同畫  
障看珍藏屢用沉檀蕪嫋嫋香雲現妙鬢白描知  
是美人鬟金閨妙擅丹青手曹帶吳衣未算難普  
陀山色渺何許碧落迴翔雪衣女想像鴛針繡出  
時珠簾晝永霏花雨繡閣當年樂事新籤錢鬪草  
遣芳辰新詞鏤雪吟桃葉小字簪花寫洛神鈎紅  
鑱翠猶嫌俗淡淡寫真真意足界就烏絲似鑑明  
分將綠鬢如蟬薄別製長幡傍小亭梅花清磬貝  
多經自憐命薄修真果自悔愁多懺有情黃塵淺  
水千年捷不逐仙裙化蝴蝶頂禮依然水月姿護  
梁溪詩鈔

卷四十九

三

持閱盡鶯花劫廣大慈悲我所思乞將清露洒楊  
枝披圖另有關心事若繡平原便買絲  
雨窗柬王二淙雲

天壤有王郎故是江東秀我昔一見之心醉若舍  
耐高文探邱索奇字窮篆籀竭來辟塵處簾捲坐  
清書青梧葢檐牙碧蘚翳井甃泥池繚其旁灑灑  
響寒溜清談何媿媿珠玉互雜糅別來復幾日著  
述想盈袖定應吐光芒安得久藏覆知君心似錦  
幸我耳非衰一編倘惠我付聽韶音奏



夕磬警虛堂秋衾宿上方一聲聞白雁半夜落青  
霜古柏深深影梅檀細細香孤吟同半偈題向贊  
公房  
西廂四首  
銅官山色鎖烟霞長伴王喬住帝家鸞鶴杳冥仙  
路遠天風吹老碧桃花  
羽旄蜺旌入紫烟袁郎位業在瑤天折腰倘爲風  
塵倦不作真人作散仙

老鶴孤雲不染埃紅塵擾擾爲誰來簿書錢穀尋  
常事也費神仙幾許才

梁溪詩鈔

卷四十九

四

歲歉閭閻望澤深炊珠燃桂百憂侵長官若有神  
仙術好爲蒼生鑄上金

不雨嘆

外河水淺今成溝內河水涸今成邱螺蚌紛紛雜  
瓦石童稚踏歌橋下遊大船抽却柁小船沙上過  
長年袖手篙師餓賈客篷窗三月坐  
清晨婦子喜濃雲在天雨至矣雨不來風颺颺先  
訛作烏尾後渙作魚鱗六龍躍出光陸離朝不雨  
夕不雨老農低頭淚如注浮雲閒閒自來去  
安得儂家稻多於原上草有雨固佳晴亦好安得

儂家田生近滄海邊朝潮暮汐高於天無米不可  
車有稻不可閤路逢一士大笑樂先世薄田今賣  
却

梅花落爲粵東閩秀徐叶英作并序

山陰何綱文賈於粵聞徐氏叶英能詩遂娶焉  
居十餘年生二子而其家未之知也母又爲之  
聘胡氏綱文歸欲離胡氏婚不可乃逐叶英叶  
英與二子居尼庵課徒以自給旣而其弟自粵  
來訪之因挈其母子歸粵將歸道出無錫吳君  
斧仙爲賦梅花落長句以紀其事且命諸同輩  
作焉叶英知醫於卜筮星命之書多所詳究所  
爲梅軒詩百餘首其生平遭遇一寓之於梅詞  
旨悱惻有足哀者居尼庵時幼子歿今惟一子  
在名兆熊

嫋嫋東風吹綠萼珠啼玉泣傷漂泊江南詞客月  
中仙不賦花開賦花落花落花開易斷腸斷腸情  
味似徐娘悞憐何遜多才思催喚金閨半面妝妝  
成好伴何郎住蜚雨蠻烟客遊處繡被仍薰艾蒨  
香羈牆恰蔭桺榔樹聞說高堂兩鬢絲刀環應怨  
藁砧遲寧知得拜姑嫜日早是成陰結子時姑嫜



見日添憂喜玉鏡何緣聘雙美若使春光到處滿  
枝南枝北俱連理底事西隣有責言定情不問舊  
金鈿冰心錯被天桃妒占取韶華已十年孤根移  
傍空門種師雄冷落羅浮夢六時禪誦理瞿曇賸  
向軍持作清供雪壓霜欺耐固窮消磨歲月付兒  
童尚書記就教鼉錯漢史編成授馬融可憐白兔  
東西顧豈念新人不如故紺淚斑斑別後痕碧雲  
淼淼來時路有弟尋踪訪女嬃頻年盼絕大雷書  
炎洲翡翠會同宿錦水鴛鴦竟獸居東君不與花  
爲主袖薄天寒欲誰訴顛顛將雛氣力微一聲杜  
梁溪詩鈔 卷四十九 六

字催歸去此去明知相見難更休留取倚闌千山  
陰道上頻回首猶作梅花待臘看天涯何計瘳貧  
病旅食兼旬瓶欲罄學得良醫不自醫生成薄命  
工言命墮溷飄茵奈命何迴文錦字寄連波靈修  
浩蕩靈均放頌橘騷蘭怨悵多我爲徐娘歌一曲  
古來只似彈琴局霍女虛簪紫玉釵漢宮深鎖黃  
金屋世情反覆總堪哀采罷蘼蕪郎不來庾嶺插  
天花萬樹歸心先到越王臺

五人墓

生市井間死牖下世上誰知五人者老拳憤與奸

黨爭熱血要爲君子灑吁嗟乎五人有耳不聞魏  
進忠有眼但識吏部公仰天一呼縱騎走怒氣噴  
出如長虹朝廷魁柄歸奄寺草野何知朝廟事逆  
閹兒子皆公卿胸中爛熟忠義字穹碑高崔嵬鬱  
鬱名並姑蘇臺寧與楊左諸公共刀鋸不與崔田  
等輩同蒿萊松楸歷歷令人哀

喜晴沙叔

予告旋里卽次蜀中留別韻

報國馳驅正壯年名隨上將勒燕然却瞻錦樹人  
無恙漫憶雲安江可憐童稚候門元亮喜公卿祖  
帳仲翁賢五湖烟水東南濶一舸歸來霸越先

梁溪詩鈔

卷四十九

七

畏壘庚桑兩繫思山川景色入秋悲未忘忠愛仍  
傾藿善處功名是侑卮蜀棧風雲隨劍佩益都父  
老送旌旗碧雞金馬經行地却笑王褒但禱祠

汜埽欃槍見大平將軍三箭凱歌成銷戈月竈無  
兵氣舞羽天階有頌聲 聖主恩深容小

憇儒生學遂厭橫行而今回首蠶叢路不似當年  
叱馭情

相逢林下豈無人暗數歸期及小春自有賜書貽  
子弟宵將衣錦咤交親由來富貴非吾願此後耕  
桑亦 帝臣多種陔蘭供色養承歡不厭在家貧



許國何心遽挂冠年年傳語報平安鶯花異域自  
春色蜃鶴舊堂空歲寒繡嶂雲開宜隱几清溪水  
落好垂竿翻疑小歷龍華劫多少鄉人掩淚看  
魚愛江湖客愛家每思醉月更逃花論兵共許無  
雙士好古曾居第七車浩蕩歸心隨北雁微茫詩  
思落蒼葭升沈早就君平卜認是成都八月槎  
知因多病乞長閒陶冶餘功好鑄顏已對朝雲辭  
白帝不愁夜雨漲巴山塵襟易浣琴三疊文采難  
藏豹一斑寄語蒼生休悵望封胡偏愛謝公還

未必榮華有是非知還無那倦高飛衡門乍闢松

梁溪詩鈔

卷四十九

八

杉徑野服新裁薜荔衣魏闕只從天外望家山何  
似夢中歸豈惟得叔驚臣濟前輩風流世亦稀

雨中舟行至真州夾岸桃花爛熳可愛因賦  
曉風吹帆墮烟雨柳細蒲新水平渚夢回兩岸啼  
鶉鳩沙上耕人荷鋤語推篷喜見千花明照眼便  
疑天色晴紅霞爛熳三十里花外却到真州城我  
時扣舷歌一曲簌簌飛英點波綠何須更覓武陵  
原徑欲洲邊結茆屋

仇實父水滸圖

并序

史載宋江等三十六人今所繪一百八人蓋本

之小說家雖狀貌雄偉然皆剽狡輕悍有盜賊  
氣亦傳神之筆也有以此圖示予者紀之以詩  
文章作俑司馬公游俠列傳收奸雄稗官黥染一  
百八強半流傳亡是公仇生畫此如畫虎目光耽  
耽有餘怒草中狐兔不足貪朝吞豹麀莫熊父仇  
生畫此如畫妖白日慘淡風蕭騷兄爲夜叉弟羅  
刹天魔起舞翻弓刀嘶風戰騎明光鏗錯落犀文  
吐光彩橫戈聳劒不聞聲疑是銜枚走東海當年  
叔夜援汴京定驅強人隨旆旌男兒當爲忠義死  
青史寂寥無姓名嗚呼爾輩誠碌碌譜入丹青詎  
梁溪詩鈔卷四十九

九

非辱君不見小商橋下楊將軍戰骨歸來量箭鏃

楊再興亦  
羣盜故云

南城丁君搏南陶適齋先生門下士也計偕  
北上攜先生書便道過訪率成四律

陋巷無車馬君來倒屣迎茅茨曾不掃雞黍未能  
烹禮法宗前輩風騷得正聲相逢更相送惆悵若  
爲情

不見陶彭澤於今二十年別離嗟我遠音問藉君  
傳慷慨懷人作淒涼感舊篇遙將故交淚千里滴  
重泉



生死交情在文章結契深神傷季子劍淚滿伯牙  
琴十載同邊徼千秋共此心好裁循吏傳鄭重墨  
如金

先生許爲先君子作傳未果

道直甘貧病身閒遠是非罷紆南國組自采北山  
薇愛我言無隱如公世所稀何時符夙諾杯酒奉  
音徽

先生曾有來南之約故云

### 蕭尺木畫壁歌

來登太白樓因覩尺木畫煙蘿冥冥暗絕壑白日  
風雷走其下瀑流飛挂百尺松坐對似是香爐峯  
讀書之堂杳何許但見九朶明滅青芙蓉岱宗太

梁溪詩鈔

卷四十九

十

華兩奇絕映射峨眉半輪月乃知縮地有壺公倒  
海駢山入毫髮昔時謫仙人好酒復好遊世間靈  
境闕不得興酣落筆天心愁詩奇境妙古無偶東  
海蕭生亦能手曾中五岳不可平吐出素壁皆分  
明它時盛事難再遇破壁還愁畫飛去山幽幽兮  
石斑斑仙之人兮想像於其間裝鸞駕鶴何當還  
喚起蕭生作驂乘貌取蓬萊方丈海外諸名山

### 自姑孰至宣城道中

白鳥栖樹枝晴如未消雪羣飛下前灘倏與遠波  
滅鳥去鶩急流我行隨輕舟朝纜垂楊岸夕宿芳

杜洲姑孰多名山勝槩宛如昨不知千載來誰繼  
謫仙作重巒旣合沓連巔復芊綿綠蘿舞輕吹翠  
篠搖繁烟夙有雲鶴期况當芳菲節吟爲擢歌聲  
婆娑弄明月

宣城試院雨窗遣悶

來時桃李花盛開此日落盡爲塵埃來時郊原未  
全綠此日清陰已成幄春光自去人自留鶯聲自  
樂鶻自愁濕雲垂檐晝如夢斜風細雨吹高樓樓  
頭兀兀擁書坐匝月不敢重門鎖俯聽闌闌語聲  
喧瓦屋參差見燈火敬亭高高芳樹攢黛鬟曉沐  
梁溪詩鈔卷四十九

十一

青巘屹北窗纔開尺有咫靜對寧異圖中看風光  
若此良不惡擁鼻吟餘轉蕭索愁心欲化水雲飛  
夢逐江鷗遠江閣

宣城至歙縣道中雜詩

霞曉紅欲銷山晴綠無際平明出城闕望望景增  
異崇岡蔭松柏荒徑依薜荔娟娟雜花明決決野  
泉細初陽淡如月雲影上衣袂山家方啟扉雞聲  
隔烟翠

度嶺稍平曠前溪水粼粼風吹芳氣來黃花吐青  
蘋耕夫旣舉趾釣叟復垂綸相看兩無言默媿岐



路人田園自可樂胡爲走風塵茲遊良亦佳眺覽  
足怡神何日謝悃勞與結山水隣  
深潭清見底演漾石五采松聲相間鳴山影了然  
在長涵萬古意不受一塵浼宛宛西逝波無心倒  
東海冠纓未敢濯聊復駐車待安得乘釣舟棹月  
歌歎乃

逶迤陟修坂峯崿升崇巔林端暝色來下見落日  
圓僕夫告勞止小憩擇所便前瞻尚十里未敢謀  
息肩牧豎驅犢歸禽投暮烟飄緇過鄉雲飛至  
墮我前驚颺吹黃埃萬壑奏哀弦卽事已多感况

梁溪詩鈔

卷四十九

三

爲離緒牽

夜疑山雨來瀑泉鳴激越坐看窗外松已掛峰前  
月幸此囂塵遠頓令清興發偕我同袍人攜手步  
林樾溪烟侵冷袂草露沾屢滑天澹嵌星嶽風疎  
引雲髮就牀得甘寢魂夢轉超忽神仙倘可期吾  
將鍊金骨

琴高溪

意不受一塵浼宛宛西逝波無心倒

峭壁欲削鐵嵯峨摩蒼穹亂泉迸雲竇聒耳鳴雷  
風下漉爲大溪長橋卧晴虹偉茲靈異境果有神  
仙宮昔者竇子明垂釣得赤龍一朝升天去羽駕

隨輕鴻我來訊  
佚事曠蕩雲水空  
鱗游有贖藥鶴  
化無遺踪我聞古  
真人心與天地通  
曷不闡至道  
使世開盲聾  
丹臺秘仙錄  
獨善非至公  
咫尺獲栖  
止松篁隱房  
櫳嵐光與夜色  
四望青濛濛  
高吟懷  
仙詩逸韵如  
絲桐雖非汗  
漫期庶使塵  
慮空

自安慶渡江至秋浦

月出秋波秋娟娟  
挂銀鈎行人江北望  
遙見東大  
樓揮手別皖公  
盪漿入池州  
帆落天影中  
如乘綠  
雲游不覩同心人  
空聞赧郎謳  
迢迢九十里  
森森  
令人愁

梁溪詩鈔

卷四十九

三

遇雨宿歐陽氏燕休亭三首

并序

僕薄遊風塵旅食  
淮海彈鋏不遂拂  
衣去來邂逅三  
阿唐君薺園陶君  
十亭接如蘭之言  
通贈紵之好蓋覲  
面偶然神交舊矣  
乃者命駕遵塗而  
旋暫作桃源之游  
便爲桑下之宿燕  
休亭者其主人則  
渤海之華胄廬陵  
之後賢相羊林泉  
跌宕琴酒乃構芳  
榭引清渠繚以修  
篁蔭以高柳魚則  
五色相宣鳥則千  
聲競奏苔文延綠  
於奇石花影縈紅  
於曲渚靜者多妙  
樂而忘歸夫投契  
者情也會遇者數  
也僕與二君締交  
逆旅



復於茲地獲仰勝風主人出程吳諸君題贈之  
作索爲詩歌敢效西隣之顰以貽東道之主云  
爾

誤入桃源路能生物外心暗泉流蕙徑微雨隔花  
林窗下米顛石壁間陶令琴飄飄步虛意水雪滿  
冲襟

六一清風在今猶見古人淹留緣地主披豁露天  
真詩酒疎狂性林泉蘊藉春夜來徐孺榻無夢到  
紅塵

最愛疎亭敞玲瓏面曲渠柳深逃翠鳥萍暗聚文  
梁溪詩鈔 卷四十九 十四

魚趣得烟霞外神清翰墨餘如何望仙者恨不好

樓居

程君詩中欲主人築樓故云

贈方五梓雲

梓雲胷中一斗墨噴向赫蹏成五色

梓雲喜飲墨汁故云

漓元氣惜不得寸管年年事鏤刻君家三十六峯  
幽且奇金華黛色相迷離誦君三十六峯草堂詩  
想像黃山如見之昔者蓉裳與君友數道君詩不  
容口長篇短韵俱絕奇天與君才不論斗我亦交  
君十幾年每逢秋賦輒流連琴書借宿瓦棺寺日  
與淵如對榻眠君來訪我城南路袖手不言復不

語忽然思落混茫間瘦骨凌風欲飛去看君不合  
長賤貧何事至今猶苦辛掩卷出門向西笑世上  
定有平原君

時欲游長安

孔君瑤山索予詩閱數年矣因用昌黎石鼓

詩韻作長歌以贈之

瑤山孔君性嗜古與我邂逅索我歌諾之數載未  
得報寡學豈奈瑤山何濡毫伸紙作復輟法戰久  
擬嵌干戈况兼世故困苛燒年年人墨虛相磨生  
平讀書未識字枉咤萬卷曾中羅漆書綸簡罕研  
詰殘碑斷碣空嵬峩自從篆體變分隸沿襲不異

梁溪詩鈔

卷四十九

五

唯與阿書狂草聖鬪妍捷古法破裂遭訊呵响嘍  
禹跡世莫覩岐陽宣鼓紛傳訛籀斯之作尚茫昧  
矧乃辨析鳥及蝌我聞古者立學校鼓鐘於樂聲  
靈鼉六書文義悉窮突先及根柢旁枝柯其時典  
誥與雅頌麗錦若織天孫校野人游女盡淹貫不  
獨才俊王委蛇後人少見多所怪無復遠識追皇  
娥胸襟淺近文氣蕭欲學苦晚空涕沱瑤山所好  
與俗殊粹然古貌清而和螢窗雪案飽文字不願  
射策登甲科說詩談易致娓娓他人莫有君則多  
縱然俯仰學隨俗詎免毛羣鸞卧駝昨者逢君論



轉注謂言知已莫子過頗憐考志義久晦班書許  
說互切磋紛紜聚訟共剖決一語自足澄其波漆  
園孰思鵬是鳳洪範已定陂爲頗目前習見且如  
此舛謬豈復能知佗邇來我亦自媿厲意欲獨見  
無陰嬰緡尋塵蠹披斷缺時得一字頻按掌苦思  
逞遣廢寢飯默識每每舛吟哦寫成幸無石慶馬  
擲去不博羲之鷺居諸浪廢何所就望洋而歎事  
則那君才浩博又多菽涉世亮可無坎軻結繩以  
下有述作此道不絕如江河鴻都勒石待君手期  
之久遠無蹉跎

梁溪詩鈔

卷四十九

七

九月七日晴沙叔父生辰是日偕胡君一亭  
遊惠山歸示詩命和次韵奉祝

放懷雲水五湖寬歷歷珊瑚拂釣竿盡興任傾無  
量酒延年定假未央丸坐便白石泉清冷行傍丹  
楓路屈盤檢點新題滿岩壑近來猿鶴不知寒  
蛺蝶依依戀晚香桂花如霰菊初黃高懷昔自師  
彭澤清德今還繼洞陽風捲松聲消睡思露團峰  
翠滴吟觴閑居節物關情甚鄉味殷勤勸客嘗

題二泉唐孝女畫折枝卷

西神何崔崔峯下桃李梅阿那女蘿枝春風吹不

開唐家有好文令德復多才不笄亦不幘窈窕處  
中閨欲濟非無梁欲嫁非無媒阿爺桑榆迫零丁  
將倚誰朝女何所思莫女何所爲當窗拂絹素滴  
露調鉛脂鉛脂不爲妝渲染滿尺幅寫作沒骨圖  
丹黃間碧綠阿爺攜出門得錢換斗粟人多售者  
稀老淚暗盈掬使君來何所繫馬纪塘樹問翁何  
所持翁年復幾許翁年已八十無見唯一女賴此  
免溝渠殘年共辛苦使君重嘆息有女何其賢爲  
吟七字詩題作孝女篇和章何續紛珠璣光錯落  
贖以古錦文檢以藍田玉我見重此圖謂是南陔  
梁溪詩鈔

卷四十九

十七

蘭晨羞與夕膳采掇供盤飧我見重此圖謂是老  
萊衣斑爛娛親意五色更相輝王道在明倫人倫  
風化始扶獎仗羣公表揚及女士惇惇祗一身黽  
勉奉甘旨不令千載上獨慕嬰兒子君看唐家女  
阿爺樂有餘生女尚如此生男復何如

江北歲薦飢流亾者相繼見之惻然有作

踟躕城之隅還顧望道周纍纍數十人蓬垢如係  
囚借問爾何爲早魃爲我伏沃壤成石田十種無  
一收骨肉半死亡殘骸委荒邱伶仃去鄉土樂國  
甘所投逢人強拜跪千請不領頭枵腹不能語吞



聲故咽。憂竚立久，吁嘆悲風爲之愁。媿無困倉積，紆爾朝夕憂。三咏鴻雁詩，泫然涕目流。

不哭傳爰弟

粵在甲申歲，吾父卒遠疆。吾弟甫四齡，從母涉沅湘。生長楚邊徼，未識梓與桑。嘔啞效蠻語，嬉戲繞母旁。六歲就家塾，誦讀聲琅琅。十歲通六經，十一學文章。聰明由夙悟，見者稱才良。嶄然露頭角，事業未可量。二十遊泮宮，廿一餼於庠。癸卯試棘闈，

拔幟入文場。一瑕弃金璧，

鑿翻不及翔。

闈中得弟文擬魁一

經以策中說一字被貼

舉家爲嘆惜，弟也置若忘。涕視塵土

梁溪詩鈔

卷四十九

六

中失得一毫芒。去春吾弟婚承歡，上高堂寧知紅顏婦轉盼。爲孤孀憶弟，嬰病日容顏漸羸。庭伶俜支瘦骨，卷軸堆滿牀。尚恐慈母知，輾轉惻中腸。臨歿始一言，定數分所當。神明示我期，夢寐非吉祥。願母自寬譬，慎勿增惋傷。執手語阿兄，永訣在昏黃。平生嗜周易，著錄名揆方。詩文不多作，作亦多散亡。使弟各不朽，兄其慎收藏。冥冥夜將半，黯黯燈不陽。形神奄然逝，魑魅嘯空梁。生年二十五，顏子未爲殤。伊予昆弟四，仲弟歿伏羌。今又喪子季，顧影益悲涼。兩弟皆好學，共言異尋常。將母稟受

薄攻苦適自戕因何致斯疾詎可咎彼蒼援筆寫  
哀思涕淚千萬行無由叫閭闔天道其茫茫

哭諤齋叔父

季春吾弟歿哭之有餘哀寧知七月中叔父歿黃  
梅半載斷消息中心頗疑猜猶謂信浮沈不料誰  
問來歛聞凶問來淚落肝腸摧使者跪進書手顫  
不能開開函數行字宛然叔手書言入秋節瘳  
下不可除展轉抱沈痼地無良醫巫親朋盡永訣  
放筆從此殂緘書寄叔母與汝長契濶魂魄歸秦  
山何能兩存活焉知叔病時叔母先奄忽泉途多

梁溪詩鈔

卷四十九

九

密親相見痛倉卒嗚呼吾叔父踪跡各一天蓬飄  
阻江漢此別踰三年篋中有故書郭外無良田筆  
耕事奔走臨老未息肩吞聲問使者使者亦嗚咽  
羈旅常苦辛請從未病說去年黃梅飢食用強搏  
節况無賢主人反覆心蘊結經史雖滿腹不療旦  
夕飢著作雖等身不能使家肥生平相識人吐氣  
生虹蜺蹉跎夙昔志刺促顏色低憶昔少小時會  
從叔父學諄諄勸讀書夏楚未嘗扑嘆息謂阿咸  
吾生老塲屋願爾早策名無爲效癡叔感叔望我  
厚鹿鹿中自啜伶仃撫弱弟門戶未能持骨肉多



零落重任方自茲何由慰冥漠抱愧爲此詞

題諤齋叔父翠君軒詩稿後

并序

響泉叔選輯梁溪詩鈔吾叔父嘗襄其事叔父

勸敏恒掇其篇什登之集中詩以志感

支離顛顛苦吟身翰墨香留手澤新半世可憐皆  
否運九泉深信是傳人別來悵望情何盡溯及遊  
從跡已陳賸有嚮時心力在一番吟頌一沾巾  
幾年辛苦事羅蒐零落珠璣半舊遊未竟一編如  
有待已成千古復何求勞生不得文章力出語空  
令肺腑愁怪底牢騷同逐客七年留滯楚江頭

梁溪詩鈔

卷四十九

三

一點銅荷照壁昏撫今追昔黯銷魂案頭顛倒殘  
詩本字裡糝糊舊淚痕此日秋墳添絕唱經年華  
屋隔生存賞音可似前時否安得樽前再共論

少日文場已不凡省闈卅載尚青衫豪情羌爲言  
貧減綺語多因見道芟晚歲依人誰暖熱平生與  
世異酸醜每慙到處殷勤說阿士才華共阿咸

予與

暮裳同受  
業叔父

滕縣

少小讀孟子頗愛文公賢今過叔繡壤四壁心慨  
然周原平若砥中無名山川溝塍錯綺綉麻麥浮

葱芊衰周力吞并六國紛戈鋌祖龍起西陲蠶食  
盡八埏燔滅周孔道羸祚自此顛當年鄒嶧叟開  
說惠與宣鄉使用其策暴秦安得全區區五十里  
有志無其權倘挾齊魏資王業庶幾焉豐碑鳳鼉  
屹立當陌阡成微畢戰功壞非許行愆嗚呼千載  
後不見古井田摩挲獨三嘆吾求之簡編

聽歌

黃金捍撥紫檀槽

王建語

一抹梁州月影高斜插山

花梳鬪掃美人誰是鄭櫻桃

綉羅衫子鬱金裳曲罷餘音嫋畫梁腸斷司空等

梁溪詩鈔

卷四十九

三

閒事不知妒煞杜韋娘

顧上舍敦愉

字學和國子生雙溪兄仲子善讀書楊蓉

裳宰伏羌招之往爲伏羌山長生徒數百

人會講老宿皆驚服焉會逆回蘇四十三

作亂學和率生徒嬰城而守七晝夜賊始

退尋病卒年二十六著有靄雲草

夜雨

江上雲陰涼風起寥廓暮雨暗平林烟中獨歸  
鶴細流赴川渚殘滴鳴寒磬坐看青燈滅寧知葛



衣薄索居少歡晏誰與慰寂寞蕭蕭三逕中沉沉  
復殘柝

感秋

寒蟲中夜鳴倦客中夜驚虛堂滿疎影殘月當戶  
明風篁自摩戛寒韻多淒清一室徒四壁傾耳皆  
秋聲撫景盡蕭瑟白髮從此生

月落露華重南鳥巢北林浮雲中夜起萬里生秋  
陰幽居屏營慮庭戶多蕭森哀鴻正南翔聲促無  
遺音荒徑生蓬蒿蟋蟀扶戶吟浮颺委時卉飄零  
怨秋深歲寒霜雪多願懷松栢心

梁溪詩鈔

卷四十九

三

北風將雨霜波濤滿林起撫劍登古臺幽雲慘千  
里嚴威日夕下肅殺從此始桃李競春華臨秋嘆  
憔悴芙蓉猶未落窈窕江之汜採之遺美人悠悠  
隔秋水

秋風吹遠夢永夜到五溪五溪舊遊地撫景生慘  
悽昔年滯瀟湘常恨不得歸及歸又隴坂客子常  
栖栖黯黯楓樹林噉噉猿夜啼天容夜慘淡落月  
照九疑趨庭已無日往事不可思夢醒曉燈滅鳴  
咽聞荒雞

舟中夜行

空江月已落秋月終夜明驚風戛蒲葦颯颯生寒  
聲天宇正蕭索耿耿明河橫玉衡已北指哀雁方  
南征遠岸屯荒烟草際蛩蛩鳴倦卧孤舟中遙聽  
寒潮生心如風中樹處靜亦易驚推篷向江望烟  
景何晦冥

暮登龍山遊石浪庵月出始歸

梁溪詩鈔

卷四十九

三

古樹生濃陰四顧山色暝清溪羅衆岫蒼翠無定  
影牽衣避櫟林直到無人境置身崔巍間遠目已  
可逞下俯若頽浪上刺如脫穎幽谷魑魅潛古洞  
龍螭猛闕行入山寺更喜俗事屏梵聲出高寒禪  
心愜閒靜胡麻滿地種散漫無畦町陸離三珠樹  
的皪九光杏清露濯瓊芝明霞蔭金鼎旣滋蘭九  
畹又樹蕙百頃悄恍靈蹤遠豁達塵夢醒獨憐此  
中趣盡屬幽僧領攜樽時命酒試水或啜茗攀援  
尚未畢所恃秋日永須臾光景暮繫之願長綆尋  
幽意忘倦來處不復省徐看返照滅新蟾散清景



一徑入杉蘿遍地紛藻荇泉鳴孤澗底鶴語萬松  
頂陰火夜漱灑霧淞秋晦冥潭虛彩虬躍霜下素  
鶴警同遊指前峯觀止不敢請

姬人怨服散篇

君不見宜春苑中花發遍綵女三千侍華宴妙舞  
爭迴楊柳腰嬌歌微暈芙蓉面忽聞天子好求仙  
方士舟中去不還不向長門問紈扇偏從遠海覓  
金丹烟清月冷鸞聲度仙衛遙從此中去羽旄雲  
旌看漸無可憐腸斷咸陽樹繡闥瑠璃晝不開晶  
簾翠地滿塵埃曉寒啼鳥驚殘夢夜永流螢照綠  
苔玉階露冷生秋草葉落但隨風自掃冷雨孤燈  
照玉容悄然愁思催人老獨坐空房滿淚痕金籠  
蟋蟀伴黃昏妾身願作雙鳴鶴飛上蓬萊一見君

春夜懷楊荔裳

一春不脫愁城鎖淒風入戶沉吟坐駿足萬里思  
騰驥困阨鹽車苦無邪青眼高歌悵離索舉杯邀  
月成三箇嗟余知交本落落况復塵緣嗟瓊瑣學  
仙思入芙蓉城成佛應有蓮花座憶昔與君共歡  
樂勝事回首難重作混跡雖同東廓筇追風尙戀  
南槽筮用法但聽卿用卿涉世須知我爲我王孫

短氣一飯少井李無餘三日餓爲文送窮鬼戀之  
作賦弔屈魂歸些男兒富貴會有日世俗何須哀  
我瘴拽柴僞遁將安之拔幟橫行無不可鷹居韞  
上尚思擊錐處囊中豈甘銕青雲須從白屋起長  
虹好向孤懷吐強弓健馬左右射利槩堅城當者  
破願拈競病窘豪俊耻作矜張壓庸懦彩毫自具  
鸞鳳聲紛紛鳥雀誰能和

金塗塔瓦歌

背有篆文曰顯德二年錢王弘  
淑製向在西湖寺今歸趙氏

君不見曹家瓦在號銅雀高氏臺廢餘香姜千秋  
至寶不磨滅神呵鬼護森光芒英雄割劇事一例

梁溪詩鈔

卷四十九

三

復有奇物來錢塘伊昔奸藩亂唐季羅睺下瞰天  
蒼涼中原麟鬪衆無主異人崛起若水旁敗巢討  
宏滅南越保障兩浙都餘杭怒潮蹙縮避強弩霸  
氣貫斗空青蒼嗣孫弼傲亦英傑半壁安堵無搶  
攘修羅投戈拜天帝誓積白業歸西方一十四州  
鐵灼爍三十六瓦金輝煌琳宮紺宇肅宏敞宰堵  
屹立天中央是時陳橋擁天子羣雄次第皆消亾  
屠刀放下等閒耳遠勝乃祖臣朱梁錦袍玉帶與  
裘馬歲久散入無何鄉相輪何往往趙氏巍然獨  
在餘靈光土花斑剝雜青綠古色黯淡凝烟霜閱



人閱世六百載國亡物在悲滄桑降王諸家沒榛  
棘孤魂歸去關山長臨安王氣亦蕭索父老流涕  
心悲傷上書力請護墳墓黃麻夜降飛龍章妙音  
院作表忠觀梵王不敢相低昂功德自足致恩禮  
豈有佛力來扶將世宗儉約省糜費金容月相一  
炬煬漢王皈法仍肆虐地獄血肉橫飛揚媚佛毀  
佛善惡異誰者得福誰者殃柴密秘色至今少後  
世購得如球琅刀山劍樹太獐惡當時已毀同糝  
糠始知片瓦流傳不因佛後人珍重緣錢王

秋夜怨

梁溪詩鈔

卷四十九

三

綺閣蝦簾慵不捲美人孤坐修蛾嬾妬色姪娥抱  
彩雲錦鱗不動新蟾滿黃榆遠戍愁未歸殷紅血  
淚沾綃衣瑰砧玉杵擣文練西園露重花離離雙  
栖不及桐花鳳翠衾豹枕餘寒重碧天孤雁夜驚  
霜一聲叫破濃香夢夢回愁思銷韶容子規啼血  
荒烟中空庭採得相思子欲寄關山千萬重玉環  
憂月秋宵靜金井梧桐戰風冷花厖吠歇怪禽啼  
蜃牕冥冥墮花影鸞帶蟬彩起暗塵何時雙鳳赴  
巫雲芳魂欲共清輝去照見陽關千里人

感秋

商飈倏然至颭地百草乾景物盡搖落流光忽已  
闌索居少伴侶無愁亦寡歡晨夕守鉛槧憔悴如  
枯蘭平蕪浩茫茫秋色無窮邊千林各異色木葉  
半已丹美人隔異方回首青雲端仰視越鳥飛翩  
翩厲征翰所惜羽翼短何愁霜露寒

夜涼秋正悲月白天如洗寒蟬冒霜氣唧唧鳴不  
已始知清商悲因之壯心起孤坐擁書城蒼莽愁  
無際庭虛寒葉響颯颯因風至起視疑有人飄飄  
落秋水

青霜昨夜下野氣刀稜稜白草驕狐兔高秋擊蒼  
鷹少年盛意氣遊獵登高陵雕弓弦盡張拓作霹

梁溪詩鈔 卷四十九

三

靄鳴黃雲蔽大野飛箠挿鵬翎生飲黃獐血耳後  
悲風生馬蹄如星流踏草行無聲愧無壯士骨對  
此心飛騰虛擬隨李廣射虎右北平  
每思跨鶴遊耻學屠龍技學技今尚藏壯遊竟難  
遂流光何飄忽去去如流水方秋盛肅殺搖落從  
此始夜靜萬感生忽忽心驚悸願隨鴻鵠飛一舉  
卽千里自顧無羽翰此念何時已

寒郊晚眺

日暮南陌間徘徊展良覲烟開高天清曠野風蕭



瑟白日沉怪雲萬里起寒色霧冥鬼火青雁叫月  
色黑衰草垂古道凝霜上絕壁蒼茫萬感生絕境  
森慘切人稀無往來鳥驚懼彈射傲睨望寥廓枯  
槁坐危石浮雲飛青冥遠峯靄崑崙浩歌成獨賞  
誰訪幽人宅

獨坐空庭中良夜幽興發涓涓石上泉寫此松間  
月鶴唳雲外遠人語烟中歇清輝滿玉除皎潔若  
冰雪遠寺暮鐘鳴蕭齋坐起忽

賽神會

梁溪詩鈔

卷四十九

三

絲竹聲滿堂木偶不解歡錦繡衣滿身木偶不解  
寒寶殿連雲起金碧高巉峴日暮賽神會井邑何  
喧闐前驅盛珍麗遊人夾道觀撻金伐大鼓絡繹  
出廟門霓旌何摇曳芝蓋如飄雲隊隊鵲尾爐獸  
炭香氤氳四角垂瓔珞珍珠一一穿團圞雀羽扇  
婀娜鳳子旛鼓吹相追隨清音激雲端市中簇仗  
齊寂靜無敢喧黃紙斜封勅馬上七寶鞍穩昇沉  
香輿廟貌何巍然日盡繼以燭華燈尚蟬聯翡翠  
琉璃蓋絡索垂青蓮但誇器物麗違計財帛艱入  
廟更排班廟令自言尊何以稿執事請徹堂上筵

何以肥囊橐請捐里巷錢牲牲何膺肥廟令恣飽  
餐土木豈有知感此爲長嘆

張循王墓

秋墳日落何蕭瑟狐兔縱橫竄碑碣英雄怨魄尚  
未消石磴千盤土花碧大書碑額稱功臣斷痕尚  
帶蛟螭紋當年自詡握兵早力除苗傅真奇勛軍  
中別樹紅羅幟賊騎傳呼鐵山至爾曹自畏岳家  
軍先聲奪人偶然耳附妄戕忠事忍聞飛書羅告  
重紛紜千秋鐵案誰寬汝三字奇冤半爲君從龍  
空自矜奇績忌嫉雖深竟何益纔見長城道濟傾

梁溪詩鈔

卷四十九

三九

便聞北府兵權奪和議曾經贊密謀只今魂魄尚  
遺羞終嘔樞密權門附不識蘄王物外遊可憐歸  
骨滄江路只玷青山一坏土驟雨猶疑鐵騎來悲  
風尚恐英靈怒弔古閒來望夕曛鐘聲古寺竄驚  
麈起看亘古精忠墓  
帝錫西湖少保墳

寫懷次大兄韻

涼飈颯颯吹墮瓦千年壞道哀湍瀉空庭秋老最  
荒涼敗葉滿階藤滿架吟嘯須上元規樓登臨每  
憶樊川榭畫角聲悲動壯心雄劍塵埋舞中夜板  
牀當膝且未穿鐵硯磨人復何暇年來豪興久抑



鬱醉後高談每陵跨精騎三千號無敵詞壇一戰  
堪雄霸新詩寧假獺祭來彩毫耻向鼉精借作賦  
悲秋聊擬宋蠟屐登山尚慙謝莫誇郭李善獎拔  
只恐鱗翼難攀藉窮途未免阮生慟無成耻學樊  
遲稼豪傑素志在湖海國士何緣問田舍買絲好  
繡平原乎作客誰是馮謹者趙壁連城世盡珍燕  
都駿骨真無價願從左逖先着鞭不遇王良誰執  
靶枋榆暫與燕雀羣波濤終逐魚龍化鷹隼垂頭  
錦鞞上驂騑繫足鹽車下夜闌空作斫地歌涼月  
微茫射牕罅

梁溪詩鈔

卷四十九

三

老將行

關西老將才且雄平番破敵收奇功鐵騎朝臨京  
蒐郡捷書夜入紫微宮縱金揮劔輪臺北連旗大  
纛烟塵沒殺氣衝開大漠雲笳聲吹落天山月血  
戰生擒大宛王髑髏夜哭滿沙場只願糜軀裹馬  
革那知解印別龍荒棄置杜門成老朽中夜悲歌  
對樽酒赤膽猶懷明主恩雄名空在今人口烽火  
甘泉徹夜明少年擁節出專征雪飛魚海羣麋陣  
月暈復河衆斫營耳聞金鼓心猶壯翻身矍鑠雕  
鞍上燕弓強勁泣猿猴匣劔芒寒斷犀象塞花邊

柳不勝愁回憶英年雙淚流忽報郎官秉綸誥輕  
車李蔡早封侯

仲秋閒居

斷續聽疎砧聊爲擁鼻吟欲言經世策遙見古人  
心木落千山出雲歸衆壑陰何堪對寥寂斜月冷  
秋衾

少年行

錦絡角鷹調揚鞭出滑橋犀文塗劒鞘霞彩照弓  
滿白草秋盤馬黃雲暮射鵬從軍入瀚海擬學霍  
嫫媿

梁溪詩鈔

卷四十九

三

秋夜

千頃雲濤碧風傳旅雁哀一聲天際下百感靜中  
來思奮凌霄翼寧同伏櫪材燈前看雄劒鏘聲漸  
生苔

折楊柳

夾岸千行柳年年別恨遙東風吹落絮飛遍小紅  
橋帶雨垂香徑臨波映畫橈龍城如寄遠應折最  
長條

春日

遠陌春遊遍青陽未暮時鳥聲啼院靜琴韻度花



遲暖日浮林彩輕烟漾柳絲畫樓簫鼓歇歸去望  
中迷

惠麓晚歸

閒雲三兩岫深處是山家幽逕無來客輕風掃落花  
溪光空翠合樹影夕陽斜回指舊遊處蒼蒼橫  
暮霞

初晴

春日暖暉暉春烟媚翠微風輕花自落樹靜鳥忘  
飛危石垂雲髮浮萍繡水衣閒居絕塵事望遠倚  
荆扉

梁溪詩鈔

卷四十九

三

冬夜

苦霧夜冥冥林空石氣清斷雲涵落月古澗瀉寒  
星荒草無幽逕衰蘭委遠汀狂吟愁獨返徙倚短  
長亭

夏日卽景

獨擁書城坐懷人正寂寥峯明暮霞散花靜暝烟  
銷雲影侵樵路松香落鶴巢遙聞笛聲起逸韻入  
層霄

秋日卽景

寂寞蕭齋裡開軒對遠洲鐘聲黃葉寺人語夕陽

樓空翠凝高嶺鳴蟬咽晚秋遙看天已暮明月映  
溪流

從軍行

虎帳靜無聲將軍夜斫營陣雲秋慘淡刁斗曉分  
明笛奏關山曲風驅草木兵輕車渡瀚海片石早  
標名

自澄江夜歸

獨立霜花冷佩刀蒲帆乘夜過蘅臯未聞江女遺  
珠出共笑儒生拔旆勞鵲盤雲風助擊魚龍駕  
水浪初高一杯酒向春申醉莫令英靈作怒濤

梁溪詩鈔

卷四十九

三

秋夜舟行

扁舟靜夜御風行衰柳人家隔遠汀暝色乍移高  
下岸秋光遙映短長亭蘆花淡月連烟白漁火空  
江着霧青閒倚篷牕窮遠目寒山一帶展雲屏

詠貧士

鴻雁常苦寒烏鵲常苦飢志士困貧賤不得食與  
衣涼風左右至空巷氣慘悽懷憂出蓬門古逕多  
蒿藜殘燈照四壁夜寒人獨歸歸來半牀月戶中  
蟲語悲羽翼未及成不敢凌雲飛窮居幽室中  
躑躅多悲思



夕泛蓉湖

向晚乘清興歸橈傍水濱波澄千岫翠鴛夢半溪  
雲暮藹烟中暝殘鐘花外聞偶停青雀舫來訪白  
鷗羣芳渚多幽趣虛襟掃俗氛碧潭暮樹影明鏡  
淨霞文載酒過前浦吟詩對夕曛舸還萍葉靜棹  
轉水光分冷露菰蔣綠微風蘭芷芬更看宵景好  
新月起高雯

晚秋寓懷

一徑寒聲滿千林秋氣深驚濤連夕起蕭瑟到庭  
陰愁思客陶寫芳樽許細斟庾樓稀嘯咏謝屐倦  
梁溪詩鈔卷四十九 三五  
登臨逸興淵明酒清風中散琴久應消壯志猶未  
發哀音心靜繁憂集身閒百感侵胸懷方激楚景  
物更蕭森北渚蘭初謝東籬菊可簪遠峯盤獨鶴  
老樹帶歸禽草色衰蛩唱雲濤晚藹沉清霜千里  
雁明月萬家砧永夜青燈翳殘更玉漏罄閑門人  
寂寂僻巷靜悄悄對鏡縈孤抱題詩寄遠忱唾壺  
敲已缺擁鼻尚悲吟

過五牧弔麻尹二將軍

兩星光熊熊竟夕照魚海中天忽相鬪一墮失光  
彩是時元初興掠地衆披靡烽火燭霄赤旌旗蔽

雲紫樓城拒蠶食斂戟懼虎視一軍化猿鶴萬里  
盈蛇虺莫救失勢鯨誰當出柙兕桓桓二將軍奉  
命援傾圯朝端簡心腹閭外聯唇齒玉勒艷光馬  
金鎖連環鎧指揮鸞鶴陣布置魚龍壘北山虎雖  
橫函關鹿可掎背城誓一戰賈勇更三倍嗟無統  
馭才竟短英雄氣橫柵霧昏黑壞山雲黓窺孤軍  
韋粲摧百戰王琳死血肉旣膏野舂鯨嘆失水英  
魂爲鬼雄千秋享廟祀我來一憑弔清淚酒不止  
嗚嗚畫角鳴喧喧暮笳起濤聲萬騎奔雲旆千軍  
峙落月走青燐陰雨啼厲鬼鴟鴞巢古木鷓鴣嘯  
梁溪詩鈔卷四十九

三五

寒葦高冢已邱墟忠魂至今在巍巍厓山祠相望  
共千里

秋夜懷黃三正陽

烟昏古逕霜封瓦秋風撼樹驚濤瀉星光破碎墮  
寒江月色朦朧曜修架惆悵故人隔秋水綠苔生  
閣塵凝榭孤燈睽睽照幽室萬感茫茫起中夜憶  
昔喜逢黃叔度論文竟夕無閒暇胸襟絕俗誇豪  
宕意氣當時喜陵跨醉後高談滿座驚夜深說劍  
空堂怕殘錦寧從景陽奪彩毫耻向文通借詞源  
倒瀉三峽流筆陣會看一戰霸已悲壯歲困貧賤



况復前人歎徂謝憂來顏色憐枯槁話到生涯少  
憑藉閑門客去滿蒿萊負郭年荒絕禾稼利用擊  
蒙爲楚傅但憑彈鋏遷中舍暫遇風波未爲失猶  
幸年光不須假耽書休笑虎頭癡多力任從猿臂  
射鷗鷺雲中萬里心驕駟櫪下千金價爭道同抽  
碧玉鞭並驅好縱青冥鞞北海風高鵬欲徙南溟  
浪濶鯤將化利錐久已處囊中奇士何妨出胯下  
亂揮如意獨悲歌不知壺口敲成磚

和楊大蓉裳冶春詞十首

九十韶光艷冶天盈盈碧玉正華年嬌歌好伴樽

梁溪詩鈔

卷四十九

三五

前醉麗質徧宜掌上憐青蛺蝶飛芳草浪紫鴛鴦  
宿淥塘烟鞦韆院落花深處日暮香風散管絃  
開花時節惜花朝垂柳闌干雁齒橋欲賦洛神應  
解珮笑窺潘揀偶停橈弓腰未舞紆長袖雲鬢妝  
成試翠翹料得春風滿歸路麝蘭衣上未全銷  
翠幃流蘼金犢車長堤日暖映銀沙爐薰鵲尾偏  
濃柳簾妥蝦鬚不礙花雲雨全歸神女峽鷓鴣會  
識莫愁家定情細寫蠶眠字猶是羞人一半遮

朝光杳靄露光濃穠李天桃淺淡紅水暖鴛鴦思  
照影暮寒鷓鴣正嫌籠嬌妝妙鬢雲留想巧嚀新

歌月戀空明月踏青應有約衍波書就署名封  
瞳矐日影透玻璃秀句香奩卽事題芳意暗隨流  
水去翠睂休似遠山低房櫳小語勝鶯舌簾箔濃  
香散麝臍愛殺于飛新燕燕杏梁有分許雙栖  
夜雨侵堦長綠苔羅幃窄地起塵埃遙看舞蝶穿  
枝去遠聽啼鶯出谷來風暖柳絲飛柳岸日斜花  
影卧花臺明知路遠人難見欲下高樓首重回  
點翠裁紅試曉妝晝長睡起步回廊鳳臺草色新  
愁度鸞帳梨雲好夢香一院落花春寂寞半牀淡  
月夜昏黃錦牋預約同心伴莫遣東園過艷陽

梁溪詩鈔

卷四十九

三

蘭膏初沐粉初勻明鏡朝來不染塵金谷池亭須  
妙侶玉臺篇翰屬佳人游絲嬾縷縈幽夢暗水涓  
涓別早春願得東君莫歸去夜深低語祝花神  
漱灑朝暉透戶明流鶯啼徹夢魂驚鞦韆院宇催  
調曲翡翠簾櫳喚理箏細雨漬花開又落新愁如  
草剪還萌鴛幃睡起嬌無力小約隣姬芳徑行  
蘭閣朝夕閉幽扉喜看花光上繡幃玉漱萍開魚  
自出平蕪草綠鳥齊飛芙蓉堂靜浮蘭棹楊柳風  
輕颭舞衣莫待曉烟殘月候江南江北送春歸

梁溪詩鈔卷四十九



淑景遲遲媚遠天芳心脉脉惜華年霞裾襞縵留  
仙住錦軸薰香倚佛憐紅杏無人明曲徑綠楊栖  
鳥破輕烟雕欄日暮閒凝佇隔院誰彈廿五絃  
青陽小約正今朝楊柳含烟拂畫橋秦女鳴箏趙  
女瑟吳娘鼓柁謝娘撓攀花宛轉三珠樹照水分  
明雙翠翹知是酒闌歸去早粉痕紅暈未全銷  
連錢驄馬七香車女伴濺裙踏淺沙錦帶低垂雕  
玉珮羅裳新繡鏤金花風前客喚真真字月下人  
尋小小家記取娉婷往來路紅樓一半綠陽遮  
朝光入戶曉烟濃露井桃開照水紅愛聽黃鸝時  
香度遠空密約隣姬書艷字阿檀偷看又重封

梁溪詩鈔

卷四十九

三

凭檻爲憐鸚鵡暫開籠棋敲暖玉宜長日雲帶名  
芳池水暖漾琉璃的燦晨霞映繡題過雨樓臺鬢  
影潤隔花簾箔珮聲低紅蕊煮茗浮魚眼紫錦裁  
囊貯麝臍謝得韶年多樂事免令遼海怨羈栖  
琥珀光搖漱灑杯一年一度花開天涯芳草王  
孫去陌畔香車駕女來浴水回波迷上巳楚雲分  
暝映陽臺烏龍小吹疎籬外正是蘅臯拾翠回  
明鏡無塵試曉妝閒來緩步繞回廊翠陰拂地檐  
子潤紅雨平堦土氣香一院苔痕含淺碧滿堤柳

色帶嬌黃隣家鬪草流連久閑却鞦韆挂夕陽  
一抹青山翠黛勻東風淡蕩不驚塵珠簾半捲延  
歸燕畫閣初登憶遠人徑曲欲迷三里霧塢香深  
護幾重春熨箋自備簪花格不愛官奴寫洛神  
賣花聲過小窗明半枕梨雲好夢驚綺陌草長迷  
步履翠樓風暖韻彈箏霓裳按曲圖三疊錦幃遊  
春碾六萌最愛莫愁湖上景年年在鏡中行  
繡戶無人晝掩扉喜看麗日上鴛幃櫻桃未孰鶯  
先老楊柳初濃燕自飛低喚雁娘供掠鬢旋燒龍  
腦共熏衣俛儂一曲歌裁就挽住東君且莫歸

梁溪詩鈔

卷四十九

三

臨其山行

青山幾曲有人家竹影蕭疎滿徑斜幽樹烏啼看  
不見好風臨澗落藤花

春山晚望

一抹閒雲松陰長亂鴉投樹破烟光小橋更在花  
深處幽澗自流靈草香

旅懷

遠樹迷離帶夕陽思家觸物更淒涼登高只恨雲  
遮眼雲去何曾見故鄉

野望



遠樹參差挂夕陽芳堤一望景蒼茫鴛鴦散盡迴  
塘靜花落畫橋流水香

偶成

畫長閒凭畫闌西遙望金堤芳草齊滿院落花簾  
不捲海棠日永畫眉啼

蓉湖泛舟

蒲帆來往夕陽閒風約蓮香到舫間兩岸鳥聲花  
落盡雨餘空翠滿秋山

一抹寒霞落鏡紅葦花無際帶歸鴻秋風孤影飛  
難定散入雲濤千頃中

梁溪詩鈔

卷四十九

蘇詩鈔卷四十九 吳一望景蒼茫鴛鴦散盡迴  
顧瑛 雲期校

